

閩書



漢書門類			
九	一〇	三	號
一	二	三	函
一	二	三	架
四	一	冊	


內閣文庫		
九	一〇	漢書
一	二	函
一	二	架
九	一〇	冊


內閣文庫	
番號	漢 9073
冊數	40 (39)
函號	292 86

百四十三 百四十四
百四十五 百四十六

四十一







閩書卷之一百四十三

淺草文庫


閩志

汀州府 長汀縣

賴仲元妻葉氏 吳宅祖妻王氏

石城人賴仲元妻葉氏建炎初盜起寧化直搗石城
時仲元客遊嶺表葉以夫婿外出舅姑年邁勢不能
逃委命以待俄寇至閭里婦女悉被驅逼葉極口罵
賊以身觸刃寇怒斷其喉舌子女皆遇害

吳宅祖妻王氏適未幾夫歿王年十九遺腹生男兩



科

閩志

科

科

目俱盲養姑撫子竟全其節 王瑋妻李足姑 年十八 夫死 守志 終身 節 烈 女 也

羅良妻陳德金 夫死 守志 終身 節 烈 女 也

晉國公羅良妻陳德金字怡清良守漳州與陳友定

戰歿德清投後園池池水三尺爾鞠躬匍伏為自盡

有丫環亦從歿漳人哀之昇塋綠江之墳名列婦塚

皇朝

張綉妻熊真姑 夫死 守志 終身 節 烈 女 也

彭泰妻李足姑 夫死 守志 終身 節 烈 女 也

脩業妻賴官姑 夫死 守志 終身 節 烈 女 也

王瑋妻廖三娘 夫死 守志 終身 節 烈 女 也

張璘妻熊真姑年十六歸又二年寡家貧無子孝事

舅姑舅姑姦以禮喪葬

賴紹祖妻曾氏方笄適賴未二年紹祖歿父母欲令

再嫁即剪髮誓也立姪禎為嗣撫而教之禎長補郡


彭泰妻李足姑 夫死 守志 終身 節 烈 女 也

庠生胡富妻陳細娘 夫死 守志 終身 節 烈 女 也

脩業妻賴官姑 夫死 守志 終身 節 烈 女 也

舉人胡一中妻張睿娘 夫死 守志 終身 節 烈 女 也

王瑋妻廖三娘 夫死 守志 終身 節 烈 女 也



右貞女

汀州府 寧化縣

皇朝

劉辛一妻張氏

李勤妻賴氏

謝子良妻伊普姑

陰茂倫妻羅氏

馬儒姑

羅政妻吳氏

羅仲倫妻謝氏

陰昆生妻張氏

劉辛一妻張氏

賴氏衡州教授海孫女也配邑人李勤年二十寡孝

事舅姑舅姑憐其少無子欲改之賴曰敢玷吾祖

謝子良妻伊普姑為沙尤寇所獲不污歿焉

陰茂倫妻羅氏

馬儒姑州判允德女年十五正德初寇破邑城擄女

子五十人儒姑與馬至漳南道前官池躍入歿之

羅政妻吳氏

羅仲倫妻謝氏

陰昆生妻張氏

右貞女

汀州府 上杭縣

皇朝

閩書

卷之三十四 閩閩

三

科

邵氏娣姒

梁時亨妻林台姑

黃友杭妻丁氏

雷廣生妻郭氏

馬宏妻黃氏

曾宗哲妻張氏

鍾世瑄妻丘細姑

官曦妻羅氏

朱永寬妻劉氏

陳氏黃氏邑民邵縉紳纓妻也正統己巳沙寇至縣

獲二婦於梅溪寨欲污之給曰隱之可至船中中流

各抱其嬰兒投水死越數日屍浮嬰猶在抱

梁時亨妻林台姑年二十五夫卒襁褓子殤撫姪為

嗣長為娶婦郭生四孫矣而嗣又卒林與郭撫育幼

孫弁心一志正德初旌表

太學生黃友杭妻丁氏友杭卒丁年二十誓靡他友

杭有女第適丘福泰亦蚤寡不二常曰吾嫂教我

雷廣生妻郭氏年十八歸閱八月夫卒而外伯氏將

貳之踰足慟曰將履誰門斃居六十二年

馬宏妻黃氏

曾宗哲妻張氏年二十四夫卒遺二孤存政三歲存

用一歲而祖姑郭氏年九十餘姑温年七十俱以蚤

歲寡者張承志勵節事育兩盡年七十六卒

鍾世瑄妻丘細姑嘉靖間被賊擄罵之以死遺三歲

女身旁家犬守之三日夫逃歸廼收之以及最三歲
官職妻羅氏

朱永寬妻劉氏年二十四夫亡撫遺腹兒至成立兒
拾遺釵令反諸其人歲饑煮粥以活餓

右貞女

汀州府 武平縣

皇朝 王源妻廖氏

陳萬受妻張氏 王源妻廖氏

舒祥妻周妙蓮 王源妻廖氏

脩仁智妻廖氏 李禎妻鄧福娘

陳萬受妻張氏年二十夫亡守節正統間避賊牛乾
嶺見掠賊艷而欲侵之不從被剖腹歿

王宗安妻鍾氏年二十一夫亡守三歲兒英英亦娶
於鍾五載而英亡二孀相守冰蘖一致

舒祥妻周妙蓮年十九夫亡痛哭歿旌表

廩生王源妻廖氏年二十六夫亡守節
庠生脩仁智妻廖氏十九而寡遺孤尚幼族有奪其
居宅者或謂直之官廖曰撫孤成立以續夫脉吾幸

也尚敢他較里人稱之

李禎妻鄧福妹

右貞女

汀州府

清流縣

皇朝

賴世傳妻鄧氏

賴世傳行人也授官蚤卒妻鄧年二十六扶襯歸壘事姑盡孝姑年九十遺疾顛天減壽及終喪葬如禮

右賢女

葉福妻陳氏

雷世魁妻伍成姑

胡文顯妻湯申娘

伍材妻黃金娘

鄒銓妻李延娘

舉人葉福妻陳氏夫亡恥篋中首飾衣服之美者悉分諸妹絕迹歸寧年踰七十終福見韋布入

庠生雷世魁妻伍成姑

國子生胡文顯妻湯申娘年二十六文顯以事謫邊

卒僅二女湯撫女養舅姑送終如禮

伍材妻黃金娘年二十五夫亡築鴛鴦塚以自備

鄒銓妻李延娘

右賢女

汀州府

連城縣

皇朝

寡婦蕭氏

黃珣娘

寡婦蕭者戴景禎妻也以貧聞邑中為邑人建橋砌路正德四年大帽山賊反令蔣璣築土城守禦既成欲建危橋數座蕭自創西門焉

黃珣娘應禮之女林廷玉之妻年十四父病篤百藥不痊割股以進父病尋愈及長于歸事舅姑以孝聞

右賢女

吳繼養丁三娘

謝文中妻盧氏

黃寔妻江辛娘

黃文舉妻童氏

黃廷瑛妻謝氏

江瑛妻童氏

余文炳妻黃氏

童綸妻李德娘

李以實妻伍氏

賴瑛妻姚氏

童佐乾妻姚婢娘

黃椿芳妻趙氏

林忠妻黃鈔貴

林祿妻李鈔全

黃慶妻沈玉璐

李應開妻羅滿姑

謝濂妻李壽妹

童志輔妻李妹孫

童憲妻揭福金

李氏妯娌

李齊妻黃氏

江熹妻丘氏

姚松妻吳金秀

李樞妻沈癸金

吳繼養妻丁三娘洪武時人夫卒丁年二十三一子

方二歲堅志守節以長以教子畢婚冠亦卒丁煢然終志

謝文中妻盧氏

黃寔妻江辛娘

庠生黃文臯妻童氏

庠生黃廷瑛妻謝氏年二十二夫卒奉姑茹憚家赤

貧緝縷度日始沒鄉鄰曰媪寡且寡喪儀可殺氏曰

稱家有無何敢殺也所以持喪一如男子之禮

庠生江瑛妻童氏年十七歸江南九月夫卒守節自

誓立其姪湖秀為嗣娶婦林未幾湖秀亦歿僅遺一

女童蚤夜撫育林亦克成童志

庠生余文炳妻黃氏

國子生童綸妻李德娘

李以實妻伍氏年十八夫以解料卒于京有遺腹二

月孤苦無依宗姪欲陰逼其再醮伍號天盟守已生

一子曰吾所不歿視此呱呱既李之子孫隨以大

庠生賴璟妻姚氏以歿殉

庠生童佐乾妻姚婢娘佐乾舌耕外境計至痛哭幾

絕強起出郭營喪既葬迎主畢夜投劉公井歿

黃椿芳妻趙氏年二十二夫歿晝夜慟不食六日亦

林忠妻黃妙貴年二十一夫喪遺二幼子甘貧守節

饋乳以事病姑壽八十餘

林祿妻李妙全

黃慶妻沈玉瑤

李應開妻羅滿姑

庠生謝濂妻李壽妹

童志輔妻李妹孫年二十三守節事姑孝敬撫摩嗣

子幼孫底于成立年七十一卒厥媳謝金秀子大穆

妻也年二十二穆卒亦矢志終人稱雙節

童憲妻揭福金

李士愈妻吳應聘士志妻錢妹孀也俱以寡節

終

庠生李齊妻黃氏齊卒氏年二十四痛夫苦學亡閉

戶誓守不輕有改三十餘年族為立嗣子更名曰學

賢蓋曰賢母也當學以為士

江熹妻丘氏

姚松妻吳金秀年二十二夫亡悉出產業歸其夫第

自力女工以度餘齒

李樞妻沈癸金于歸事寡姑惟謹樞早世氏操家政

撫幼子肉極哀慟外和顏色以慰姑心姑卒年百歲
氏亦七十殯殮如禮鄉黨稱為女師

江州府 歸化縣

皇朝

羅仁妻楊氏

謝黻妻李氏

葉氏姑婦

湯夢恩妻聶氏

揭春震妻樂氏

甲寅歲也

謀進姑年二十二夫逝養姑嘉靖辛酉山寇蜂起姑

婦被擄賊艷進姑欲私之詎曰請入夜驅至亭畚過

將軍橋私泣謂姑曰媳恐辱姑與姑訣矣遂自投橋

下賊意其誤援之愈遠俄沉賊去之三日屍浮起

夏周生妻謝氏

謝黻妻李氏年十八適黻未三募夫歿矢志養姑遺

腹一子撫育成立至五十遺腹子又歿煦其孤孫年

九十餘卒

娶婦梁生子時發甫兩月世淳復故梁年十七與姑同守一孤課之詩書姑年八十九終而時發又先歿梁哀毀殯塋一稟禮文邑令扁其門曰雙節孤終張玳妻陳氏年二十四玳故撫其前妻子縉踰所生縉長為邑諸生善事陳而復蚤卒妻陳與姑守節共撫遺孤朝政雙節並堅邑令三旌焉

湯夢恩妻聶氏故曰敏其夫故與故若夫故曰文廩生揭春震妻樂氏年二十二春震病不支樂夜焚香割股進之忽痊越數月復病廼亡矢志不二待公姑而訓二子

右貞女

汀州府

永定縣

皇朝

賴守正妻簡氏孟文附長張召妻賴氏

賴世弘妻鄭氏

鄉舉賴守正妻簡氏

廩生張召妻賴氏

賴世弘妻鄭氏年二十四夫卒事姑孝教子僖後

右貞女

興化府

莆田縣

宋

方子容妻沈氏

鄭耕老母林氏

陳文龍母林氏

方子容妻沈氏崇寧五年子容孫略登第沈與子容皆年八十餘方對奕牕下捷至兒童歡呼子容曰為六郎登第錯認一著却徐收子歸奩中語沈曰吾翁媪不喜殖資產飯盃又仰是子矣妻賦力

鄭耕老母林氏子四人耕老其季也父亡林訓諸子曰家事盡以累吾汝等一意向學無負先君之思無謂予婦人而欺予欺予易欺場屋難詔四下諸子舉

於鄉者凡十而三人同中者再成名者二耕老與仲

兄箕老也

林氏陳文龍母文龍為元人械繫送杭母繫杭州尼

寺中病甚無醫藥左右視之泣下母曰吾與兒同歿

又何恨哉亦歿眾歎有斯母宜有是兒為收葬之

元

陳高妻林道外

陳高妻林道外林氏世有冠紳至道外父節亦為仙遊尉蚤歿餘三孫儻然道外勤而撫之既歸高以孝敬聞久之三弟先後繼亡林氏且無後道外每值暮

周書

卷之三十一 閩閩

三

元

二百五

春輒往祭林先墓涕泗交流復告其族子書院山長
履為王其田賦以供樂盛

皇朝

林淑圓

李六秀女

吳士誠妻鄭氏

劉貴文妻朱氏

許克温妻林氏

宋端儀黃安人

郭三莊無醫藥者古賦之鄭采繁曰吾與兄同火

林張四姐請母文請為示入黃思綱妻羅仙娘

周道純妻林氏

張秉孚妻吳氏

蔡繼璣妻劉氏

周希瑜妻彭氏

方孝女

徐德英

林淑圓按察使時之女時見縉紳其觀政刑部日坐
事繫獄發北京營建淑圓甫七歲擊登聞鼓訴冤

仁廟監國矜其幼賜之飯遂宥時罪後隨任陝

西母病諸藥弗効淑圓潛割左臂和粥以進母遂羸

時年十二矣長嫁西安左衛指揮使費銘壽七十卒

李六秀女少而終鮮矢志奉親及長父母與劉億秉

為婚億秉適長不可出贅於是朝夕垂涕少食請求

終養舅姑憐其志許之既得歸恒致其肯不廢婦職

父多病疴病劇告天刳股者一減壽者二及卒哀毀

骨立罄貲營塋終奉祭祀

吳士誠妻鄭氏蚤寡有色其姊夫唐姓堅求之不應

適太監徵珠民間唐誣語曰鄭珠甚多官索之急鄭

曰奴害我携兒詣監言狀太監義而歸之後其兒名

希聖者為郡諸生蚤卒妻陳誓志不嫁年至六十希

聖子曰則文娶於李生子二歲而則文夭其後子得

嫺疾不省人事李語姑曰吾家三世守寡所恃者子

今已矣候姑寢自投於井中

劉貴文妻朱子貞劉閔之母也三十六守寡閔方三

歲次子闡猶在妮三子閭則出於媵俞氏方二歲朱

堅確守志俞氏化之女稍長教女儀既嫁教以婦道

男稍長遣就外傳始有知即教以人倫大義勤儉立

家撫諸子均平如一

許克温妻林氏姑歿事舅盡婦道舅年老衰邁左右

扶持如護嬰兒宋教諭叔明居隔一壁經年不聞其

少有齟齬聲以語人而服之

宋端儀妻黃安人端儀提學廣東欲往謁陳文恭於

新會安人出所手成二幣上端儀將之曰明婦所自

治非虛物也及端儀沒于官同官憫其貧有欲安人

粥生徒以治具者安人曰如之何其賊人之子以羞

其夫也宋雖貧乏可家於喪耶
郭三莊父輔官海豐倉使三莊與母從母病侍藥弗
効羹左股以進病尋愈月餘父復病割右股亦旋愈
海豐士民上孝感狀當道禮而旌之時年方十四郡
人鄭弼求為仲子東都婦不幸蚤卒

鄭采繫浙西安人方召南繼室也諳文史年十六歸
召南召南登進士卒京邸鄭在西安聞計扶櫬歸甫
年方二十一矢志養姑閱諸書見小學中載漢陳孝
婦事手抄百餘楮以自況姑病割股奉之撫庶子如
已出知府周大禮扁其堂原膳之

張叔昭女名四娘母病焚香祝天割股和糜以飼病
尋愈衆謂孝感

黃恩綱妻羅仙娘事姑以孝聞姑病割股調粥食之
姑病愈

周道純妻林氏家貧孝事舅姑嘉靖乙巳莆大荒舅
老疾百方不治林割股和粥以進舅絕飲食數日矣
強吸一食遂愈知府沈鑿旌扁給米一石帛一疋肉
二十斤以恤其舅

張秉孚妻吳氏姑林病劇焚香祝天願代比家人睡
定當空恥刀割股肉和粥以進姑病尋愈

蔡繼璣妻劉氏姑病割股進之焚香手腕告天請代
 周希瑜妻彭氏姑病焚香右臂顙天請命姑立愈有
 司旌門

方孝女父瀾官儀制郎中卒京師孝女年十四無他
 兄弟日夜哀號其叔為扶父視南歸渡揚子江中流
 舟覆視浮孝女與庶母同舟皇遽呼救許酬金帛時
 風濤洶怒人自救不暇孝女仰天大哭遂赴水歿經
 三日屍浮父視之旁同泊南岸

徐德英郡丞徐廷龍女也好讀書善屬文適俞氏子
 女紅之外未嘗釋卷所著建文紀孟母仇氏等贊五
 言古近詩具有才識顧坎輟多病轉轉以歿嘗作悼
 志賦其詞曰金天氏之遐陬兮迨烈祖迺肇聲昔遭
 世之紛濁兮民弗勝其靡寧奮義武以鷹揚兮實奠
 夏而攘狄爰帶礪於南服兮遂燕翼而貽則承惠澤
 之汪穠兮雖永世而靡忒肆大考之振墜兮敦仁厚
 以式穀洎嚴君之揚華兮蓋有光於先烈歷伯昆而
 降予兮歲上重吾以育顧薄軀之陋微兮具二氣之
 靈淑承家世之儒風兮敢沉浮於流俗奉嚴慈之明
 訓兮竊企前脩之芳躅列圖史以鑑戒兮覽經書以
 自勗欽栢舟之貞烈兮慕閨睢之賢哲哀晨牝之禍

國兮憫桑中之自賊悵去古之日遠兮傷徽音之莫
贖念盛年之不再兮虞日月之逼促惟聖學之宏深
兮懼寡陋之弗格勵余志以力追兮恒昕夕而警惕
理雖微而必究兮事何幽之罔燭吾又綴寶璐以爲
佩兮紉明珠以克禕集桂荃以爲裳兮索蘭茝以爲
衣芳與澤其雜操兮紛郁郁而馥馥羗棣萼之並茂
兮同厥志而弗違進承歡於膝下兮退切磋以委蛇
追遐風於上古兮指二南以爲儀奈流光之蹉跎兮
歲忽忽而若馳倏玉樹之凋折兮又鴈鴻之分飛感
離居之寂寥兮情惓惓而懷思慨賦質之涼薄兮嗟
性命之多否疾疢軫其頻仍兮又酷烈之交罹氣鬱
鬱而不解兮愁悄悄而莫支中悞憶之苦辛兮魂怔
營而莫特悲華年之難再兮悵素志之終違沂女子
之生世兮雖顯揚之罔恃試歷觀於今昔兮亦垂休
於彤史或際遇之赫煜兮播昌烈之文詞或振藻於
芳禕兮亦增輝於門楣哀余生之薄祐兮徒撫躬而
懷悲念鞠育之劬勞兮恩浩蕩而不訾曾涓埃之莫
酬兮顧惟疾而憂之中心感以切切兮神悵恍而飛
颺惟天道之昭昭兮善惡降以禍祥羗軫患之纏綿
兮繫百艱而備嘗抑吾愆之積稔兮何年命之不常

也循本初而自省兮余衷折其孔章也長太息而自
悼兮淚浪浪而沾裳稽往哲之儀履兮諒天命之弗
爽懷宵堂於共姬兮賦綠衣於莊羗韞何才而屯阨
兮采胡烈而叅商何彼懿哲之茂行兮亦遘灾而遭
殃牛蹈道而疾天兮躐恣睢而壽康壘肆穢而獲考
兮王履貞而燔亡信玄理之可徵兮悵天道之茫茫
心瞶惑而不釋兮招靈氛使爲予詳循往軌之冥昧
兮何邇鑑之有常孰非仁而可蹈兮孰非義而可長
庶與魚之難并得兮蘭芷不以非地而改香往者旣
以已矣余何爲以獨傷具憂戚以玉汝兮豈徒迢迢
而無當守天衷之秉彝兮循至性而毋忘盡吾生之
大道兮等壽夭於彭殤觀大化之微茫兮曠千古而
尚佯苟予心而日休兮雖沉痼庸何傷亂曰吁嗟性
命胡不長兮增懷永歎愴中腸兮遵道履仁吾何傷
兮抱貞委順樂未央兮

右賢女

宋

林昭度妻翁氏 趙子乙妻王氏

王孝曾妻李氏 陳用虎妻朱氏

方婦薛氏 林氏

林昭度妻翁氏父允成殿中丞昭度隨計卒舒城翁
年二十一守節不二孝事舅姑教督二子嗣宗嗣先
俱擢進士郡表其里門曰孝義
趙子乙妻王氏世居睢陽王三十守義事其姑秀容
縣君惟謹靖康失守王墜土自毀背負姑携幼子避
地而南他子引裾纍纍展轉亂屐間越四年始達温
陵徙居於莆終焉一時陳正獻龔莊敏及諸名士皆
以詩表之有云疇昔干戈百戰場精神墮節半蒼黃
如何婉婉閨房秀能麗精神日月光其子伯愚伯達
並登第仕進不絕


士人王孝曾妻李氏嫁期月夫歿請姑為立後事姑
訓子皆應禮法王始寡甚李累銖寸遂成中產舉三
世之喪以塋年五十六卒劉文定公志其墓

通判本軍陳用虎妻朱氏元兵寇閩用虎兄文龍知
軍事發兵固守及元兵執文龍去朱自經歿

方大鏞妻薛氏嫁九年而寡子紹孫方晬怡孫方娘
薛撫之慈且嚴卒以有立同宗有曰松妻林氏者娶
居貞行亦亞於薛

元

顧本中妻鄭氏 林子順妻黃氏



顧本中妻鄭氏本中卒鄭誓志永貞盡心經紀四十餘年葬再世之柩續垂絕之枕士大夫稱之
 林子順妻黃氏夫卒居喪以禮事姑以孝喪葬畢自誓益固困窮不改子善同領鄉薦以祖母老不赴禮闈行省賢之借注泉山書院山長
 皇朝

李安妻林氏

周則川妻鄭淑清

王崇貢妻林茂正

吳師舜妻余淑玉

陳遜勵妻鄭懿德

莊季妻鄭淑真

江遜居妻林淑真

柯澍妻王貞淑

彭宏著妻吳貞善

陳氏

陳銓妻鄭氏

陳琮妻林氏

林景靖妻陳氏

林魯儒妻方淑貞

學士柯潛一妾

林崇妻趙氏

宋寄伯妻林四姐

翁氏妻妾

林貞一妾

李汝能繼室鄭妙巖

陳邦貢妻林氏

陳經疇妻林淑清

林克紹妻李淑潔

王伯善妻祁氏

黃德茂妻吳貞玉

柳氏三婦

方旭伯妻戴節英

朱智深妻徐淑靜

洪則幹妻林氏

陳邦琛妻吳氏

李孟宜妻林淑清

林道淵妻黃氏

王德滋妻陳淑貞

蔡本澄妻戴清

余舜民妻朱氏

朱氏三節

林伯量妻鄭氏

林氏姑婦六

林廷諫妻王秉潔

程麗甫妻方氏

陳瑛妻吳淑

黃與瑞妻林淑清

林山熹妻陳玉潔

黃儀韶妻李純德

趙朝妻林淑德

黃樂善妻陳氏

李廷舉妻方伯善

李朝禹妻王氏

葉繼甫妻郭端

陳永年妻周淑志

林廷貢妻洪蘭

宋思益妻鄭氏

洪宗文妻林氏

陳公裕妻方肅英

周孟聲妻宋氏

吳崇著妻李氏

歐茂仁妻胡氏

王明德妻陳氏

陳宏和妻吳氏

林遜學妻宋氏

何思澄妻黃氏

張從璧妻陳氏

張源泰妻陳氏

周伯讓妻林德昭

黃惟善妻王淑清

吳徽球妻郭氏

林思益妻柳淑貞

陳體從妻洪氏

陳誠卿妻吳氏

周伯服妻康睿

周元惠妻黃銀奴

周則裕妻黃氏

陳朝妻周淑儀

陳景正妻郭氏

曾既綱妻卓貴香

高瑤妻林淑書

黃弘器妻林氏

林士直妻陳氏

林仁伯妻吳氏

朱氏世節

林氏

崔儀妻陳氏

陳縉妻翁氏

鄭汝潔妻吳玉美

徐從敬妻陳氏

方攸宜妻林氏

曾睿卿妻林氏

趙希鄒妻方應娘

俞時和妻陳氏

黃世泰妻蔡氏

林汝學妻吳氏

黃從周妻吳娥娘

陳氏三節

陳効忠妻方氏

林成甫妻周氏

黃師器妻林淑婉

黃宥堂妻張淑貞

吳于源妻林氏

林實夫妻方氏

林守元妻劉氏

林在勉妻許氏

林世誠妻江氏

陳紹卿妻廖氏

元

周祐妻黃氏

俞應星妻林氏

朱道本妻鄭氏

盧士行妻陳氏

張氏姑婦

丁汝川妻陳靜莊

陳永臨妻林氏

陳以信妻蔡氏

吳廷淑妻鄭氏

吳廷昭妻常氏

方于道妻林氏

黃大雅妻林氏

郭潤夫妻洪氏

姚文燦妻吳氏

李激甫妻王氏

黃責德妻唐氏

陳漢生妻李氏

凌文塾妻陳氏

陳氏三節

姚在正妻陳氏

黃宏川妻何氏

李汝謹一門三節

游潛周妻劉貞肅

許師德妻李氏

陳宏慶妻金氏

林仲萃妻鄭氏

周景潛妻羅氏

朱文妻王氏

鄭一清妻楊氏

廖大訓妻陳氏

廖奇進妾黃氏

曾宗平妻鄭氏

張儀度妻陳氏

鄭舜鵬妻許氏

趙良厚妻鄭氏

李景昕妻林氏

方于養妻吳氏

康正福妻吳氏

李一復妻姚氏

余氏姊妹

孝子蟻鳴虞妻陳氏

黃子隨妻洪氏

鄭國贊妻林氏

柯木妻林氏

方子受妻張氏

朱景說繼室吳氏

黃希東妻方氏

宋玉卿妻陳氏

黃潭妻林氏

陳梅妻黃氏

朱君直妻翁氏

陳淳妻蕭氏

林獻策妻黃貞秀

鄭子會妻張氏

余國盛妻李氏

丘茂濟妻張氏

周道本妻程氏

卓大棉妻陳氏

鄭三娘

張廷光妻王氏

朱仕顯妻林貞淑

黃漢妻陳氏

陳會妻卓氏

張純昭妻林氏

朱茂良妻吳氏

康子瞻妻葉氏

唐亮童妻林氏

李允時妻鄭氏

林獻表妻陳淑婉

林廷燦妻陳氏

陳守信妻林氏

朱雲衢妻陳氏

鄭大猷妻林氏

吳三重妻林氏

沈會奇妻林氏

周大能妻宋氏

鄭守典女

朱光騰妻林氏

蔡賢妻張氏

林夔一妻陳氏

吳宗猷妻丘氏

許朝肅妻林氏

庠生陳志舉妻黃氏

鄭汝陽妻林氏

鄭善卿妻陳氏

翁妹娘

潘遜妻黃氏

康長源妻崔氏

嘉靖癸未與廣寇之難者四人合傳

嘉靖壬戌與倭難者四十七人合傳

鄉貢士蔣龍妻林四娘

林積華妻陳氏

陳汝誨妻吳氏

陳汝誨妻吳氏

于恭妻唐氏

游汝才妻黃清娘

方妻林氏

廩生陳洪宗妻

鄭環妻林氏

鄭孚可妻林氏

方詩妻林繡

吳良質妻氏

楊岐妻宋氏

劉環未婚妻陳金娘

林加猷未婚妻鄭一娘

庠士劉箕妻陳氏

謝景賢妻姜氏

庠士林龍妻黃氏

劉貴文妻朱李貞

林道妻黃氏

康貞卿

陳若瑛

鄭孟恭妻蔡氏

庠士李約妻陳氏

庠士柯礎妻黃氏

柯林妻黃氏

鄉貢士方珊妾吳氏

胡繼垣妻周氏

黃恭甫繼室林氏

林氏姑婦

庠士黃承志妻林氏

庠士陳仕瞻妻張氏

周興邦妻曾氏

梁績妻方氏

郭盤妻黃氏

庠士吳東周妻謝氏

庠士李楠妻曾氏

庠士吳如珪妻黃氏

庠士鄭遂期妻陳氏

祁應科妻陳氏

余應瑞妻朱氏

陳遜妻祈氏

葉在穎妻俞氏

周洪德妻黃氏

知縣鄭正規繼室林氏

司獄曾泰妾陳氏

陳明德妻黃氏

藍景光妻林氏

楊鎮妻林氏

郭大化妻鄭氏

庠士宋夢奎妻林氏

陳道妻黃氏

庠士林舉巖妻曾氏

鄭從龍妻吳氏

庠士吳一桂妻林氏

顧養達妻林氏

洪肇曾妻張氏

林應棫妻林氏

庠士郭文采妻宋氏

周輔邦妻郭氏

徐東華妻周氏

馬全妻陳氏

庠士陳致恭妻林氏

吳氏世節

程庠妻方氏

蔡應可妻吳氏

戴宗仁妻林氏

顧啓宗妻陳氏

庠士方湛繼室吳氏

丘伯載妻鄭氏

俞康妻林氏

林崇生妻趙氏

庠士李景昕妻林氏

庠士林仕養妻黃氏

庠士林堅妻曾氏

庠士戴宗泗妻林氏

張珣妻俞氏

歐陽節妻鄭氏

葉九苞繼室鄭氏

庠士鄭明瑞妻顧氏

林標甫妻謝氏

庠士陳嗣楚妻鄭氏

曾于材張氏

葉氏雙節

俞氏雙節

庠士林芳栢妻唐氏

余待佐妻梁氏

庠士林應述繼室丘氏

林道相妻戴氏

許宥容未婚妻陳冰娘

朱朝勳妻陳氏

庠士魏雲璋妻林氏

李安妻林氏年二十二安卒誓志撫孤逮見曾玄

明興首被旌門復家之詔

鄭永迪妻徐氏妾許氏永迪沒二人並年二十餘各

撫其孤如同一出許先卒徐年八十一見其孫師烈

鄉薦有司上事旌表

周則川妻鄭淑清則川歿無子淑清年二十二養夫

兄子為嗣守節六十餘年孫軫為戶部主事事聞旌

表

黃子厚妻林氏守節旌門

王崇貢妻林茂正年二十二喪夫守節撫育子稜後

為高唐州訓導茂正年八十餘卒郡上事旌門

顧文嘉妻楊靖娥

吳師舜妻余淑玉旌門

黃文廣妻吳淑貞旌門

陳遜勵妻鄭懿德年二十二生子衍甫四月而寡誓

志養舅姑撫教衍後領鄉薦詔書旌門

莊季妻鄭淑慎旌門

江舜居林淑貞旌門

相澗妻王貞淑旌門

彭宏著妻吳貞善旌門

陳氏彭惠安韶祖母也年二十二寡撫孤思孝底于

成立

陳銓妻鄭氏旌門

陳瑜妻林氏旌門

林景靖妻陳氏

國初重旌節之典其初繇里正

上郡縣郡縣下其里取耆老鄰佑保結上禮部部後

下布政司轉行郡縣覈實覆奏後咨都察院轉行按

察司重覈方取旨施行如制或當旌者先卒遂不得

覆奏以故民間難之至是陳子稜傾貲爲母舉節未
被命而陳歿分廵僉事况真廼立坊通衢以表之莆
人哀稜志云

林魯儒妻方淑貞父昌齡文雅善藻繪淑貞亦知書
工父業永樂間父以畫召至京師女兄淑儀亦以畫
女選入禁掖三第俱幼淑貞獨與母居扶植門戶廼
蒼魯儒未幾魯儒卒誓不改圖撫立諸弟壽八十

翰林學士柯潛妾王氏曹氏潛卒王生子宗文幼而
曹未子也二妾年各二十餘並辛勤守志依正室俞
終其身以雙節旌門

林崇妻趙氏生子真寶未晬而崇亡時年二十守節
終身孫熊仕御史

宋寄伯妻林四姐守節孝養庶姑教育幼子勸至成
立後勸爲沐陽訓導林享年九十有三

翁志宏妻祁淑惠嫁數年無子勸夫買妾祁氏生子
可璋未幾志宏沒淑惠年二十四妾年二十一相與
勵志力貧養姑教子

林貞一年十三父母許嫁方氏未及歸而方氏子遠
戍尋卒貞一爲服喪三年寡守不嫁年七十

李汝能繼室鄭妙義

庠士陳邦直妻林氏

陳經疇妻林淑清學士文之妹

林克紹妻李淑潔

王伯善妻祈氏年二十一而寡一子生甫三月族屬

有欲奪其產者侵虐備至祁操益厲卒存王門

黃德茂妻吳貞玉年二十三夫卒携遺腹子寬依兄

家以居守節四十年家雖貧甚不改其操

柳氏三婦柳惟豫妻林孟貞廷茂妻陳淑慧廷新妻

林玉清並以節稱

方旭伯妻戴節英年二十五夫卒二子岳岱俱幼矢

志撫育岳後登第成名

朱智深妻徐淑靜

洪則幹妻林氏

庠士陳邦琛妻吳氏

李孟宜妻林淑清

林道淵妻黃氏

王德滋妻陳淑貞

蔡本澄妻戴清年十四適本澄居二年本澄當戍遼

東念婦少艱跋涉買妾與俱戴父與約曰遼左天末

寧得遽返五年不歸可聽女嫁許之立券為信至期

父語清曰可如約清泣不從獨居十有五年本澄歸
生一子未晬相繼亡殞清哀毀幾絕父憐清無依潛
受吳公瑞聘清聞曰人呼女蔡本澄婦矣又云吳耶
卽往父家與吳絕婚公瑞訟之官欲奪其志太守陳
表嘉歎判令歸蔡太守王弼扁曰寡婦清之門
余舜民妻朱氏太守王弼扁門

朱洪妻官氏夫沒撫一子興宗甫六歲旣長爲娶吳
淑婉生一子定慶方晬興宗又沒淑婉與官鞠孤官
沒撫教定慶長爲娶王靜靜年二十一定慶復沒遺
一子曰文在淑婉復與靜鞠孤終老如前日守王弼
扁門曰三世一節

林伯量妻鄭氏守王弼扁門

林從弼妻李源清年二十五夫卒二子秀茂俱幼守
志終身秀娶謝氏生一子曰有年未幾復夭謝亦誓
志依姑爲命有年後官至副使

林廷諫妻王秉潔嫁數年無孕育爲夫納妾張氏生
子大順數月夫卒王年二十九張年二十誓節守貧
郡太守扁其門

程麗甫妻方氏守王弼扁門

庠士陳瑛妻吳淑清

黃與瑞妻林淑清年二十二夫卒盡鬻奩具以葬孝
事尊章持閨門嚴肅後以子相登第封太安人詔書
旌門方淑清寡時相方二歲

林仲熹妻陳玉潔

黃儀韶妻李純德守王弼扁門子文鸞領鄉薦

趙朝妻林淑德夫亡家貧子幼父母及姑欲嫁之引

刀截一指

黃樂善妻陳氏

李廷舉妻方伯善

李朝禹妻王氏

葉繼甫妻郭端嫁三年夫卒力貧撫遺腹子孝養老
姑鄉稱節孝年七十七卒

陳永年妻周淑志年二十二卒無子陳無傍近親可
嗣淑志歸依父母家盡鬻奩具置田宅伏臘供陳祀
壽八十四終

林廷貢妻洪蘭

宋思益妻鄭氏

洪宗文妻林氏

陳公裕妻方肅英

周孟聲妻宋氏

吳崇著妻李氏年九十卒

歐茂仁妻胡氏寡守苦嚴內外所重郡有獄久不斷

人白府君可問胡寡婦守陳表過婦問之一言而決

王明德妻陳氏十八而寡守遺腹子仕輅著聲郡庠

陳宏和妻吳氏夫亡子夭以侄孫為嗣薦遭閔凶不

貳厥志

林遜學妻宋氏年二十六夫卒紡績育孤邦輝後邦

輝領鄉薦仕為令

何思澄妻黃氏

卒士張從壁妾陳氏

張源泰妻陳氏

周伯讓妻林德昭

黃惟善妻王淑清

吳徽珍妻郭氏夫卒無子三年喪畢貧不自存依母

以居郭吳相去里許伏臘忌辰必躬其酢慟哭而歸

林思益妻柳淑貞

陳體從妻洪氏

陳誠卿妻吳氏夫卒僅一子父母憫其少寡欲嫁之

不從逼之給父入室治行遂引刀落髮出問曰不知

今尚可嫁否娶居十有五年卒



周伯服妻康睿

周元惠妻黃銀奴

庠士周則裕妻黃氏

庠士陳朝妻周淑儀

陳景正妻郭氏孝子義重齋從父榮為贛州小官景正就婚焉閱兩月先歸卒郭聞計哀慟即欲奔喪父母不許閩有為贛學官者其子喪耦來求婚父母許之郭泣誓不從一夕自經衆覺救免因寢疾嘔血自是力求歸陳陳亦遣人來迓父母連在之三年喪畢父解官歸居五日不辭而返於陳氏

曾既綱妻卓貴香

高瑤妻林淑書

黃弘噐妻林氏

林士直妻陳氏

林仁伯妻吳氏

朱本實妻吳氏子欽文妻黃氏姑婦相依撫藐諸而教之

林鉉妻王氏蚤寡以鉉兄次子渠為嗣撫教如已出渠後以鄉薦入官

進士崔儀妻陳氏以死殉弘治中旌表

鄭璟妻林氏璟父傑官青陽教諭璟省覲卒于途林
 年二十六矢志守節青陽致政還滄瀨之養必虔歿
 則脫簪珥助喪葬撫二孤朝陽曦有成卒年八十四
 鄭汝潔妻吳玉美年二十六夫亡無子哀痛摧毀屏
 絕華飾既而家門多故先業蕩盡夫第二人流落艱
 窶玉美奉姑獨勤姑卒旦暮慟哭哀動里閭有司各
 加禮獎嘉靖中旌門

庠生陳縉妻翁氏年二十四寡翁故出高門自斷容
 華撫二子成立縉竟常憑而慰之

庠士方攸宜妻林氏

徐從敬妻陳氏從敬弱冠從祖父朝儀官彭澤學諭

宸濠叛學諭授印歸從敬道亡莫知所之陳矢志節自
 靖後子純仕廣德知州

趙希鄒妻方應娘

庠士曾睿卿妻林氏守節養姑割股甦姑病守陸美
 中以孝節旌之

黃世泰妻蔡氏嘉靖中旌表

俞時和妻陳氏嘉靖中旌表

黃從周妻吳娥娘嘉靖中旌表

陳効忠妻方氏

林汝學妻吳氏嘉靖中旌表

陳氏二婦陳氏兄曰璲國子監丞弟曰琅璲卒于官
琅往奉柩歸璲妻曰鄭妾曰康康臨清人也璲歿鄭
有遺腹而康生一女矣柩過臨清欲返康于家康誓
歿從鄭後鄭生遺腹子曰德昌康與鄭並以壽終而
琅時扶璲柩亦歿於道次其妻黃亦守節育孤年七
十餘卒方黃守節時爲年二十三爾御史奏請立坊
曰三節

黃師噐妻林淑婉旌表

林成甫妻周氏旌表

吳于原妻林氏年二十四夫歿力貧守節撫育三孤

詔書旌門仲子大選裕州知州

舉人黃肯堂妻張淑貞旌門

林守元庠士也妻劉氏夫亡無子力貧勤生爲夫弟
畢婚娶夫弟母事之

林寶夫庠士也妻方氏育其遺腹子轍後轍以貢仕
陽春訓導方年八十有五卒

林世誠妻江氏年二十四夫沒生子菁莪甫及晬誓
歿鞠育菁莪補府庠生歿未幾江痛哭亦歿

林在勉妻許氏

陳紹卿妻廖氏

周祐妻黃氏

俞應星妻林氏

庠士朱道本妻鄭氏

舉人盧士行妻陳氏士行卒陳視殮畢潛以帛自經
家人覺得解遂絕粒水漿不入口者十餘日嘔血數
升而歿御史吉澄表堂曰貞烈

張子文妻吳氏子文夭卒無子吳誓死守節後擇夫
第次子大觀爲嗣撫教成立爲娶江氏大觀尋亦夭
卒姑婦煢煢以女紅自給吳以壽終守葉觀旌之

丁汝川妻陳靜莊

陳永臨妻林氏

陳以信妻蔡氏以信瘋癱癩症久而氣不可近氏挾
持勤慎家屢甚舅姑憐而欲嫁之蔡曰命也倍之不
祥以信卒蔡爲立嗣事舅姑益專謹

吳廷淑妻鄭氏

吳廷昭妻常氏

方千道妻林氏

黃大雅妻林氏夫歿時年二十二僅生一女貧甚武
弁有欲請婚者斷髮自誓孀居六十餘年

郭潤夫妻洪氏

庠士姚文燦妻吳氏年二十夫歿斷髮自誓終身未嘗見齒

李激甫妻王氏

黃貴德妻唐氏

陳漢生妻李氏

庠士凌文塾妻陳氏

陳氏三節陳尚樂妻俞氏蚤寡守志後其孫泉娶于方亦蚤卒方撫二子甘露甘雨甘露娶鄭亦沒鄭守節如二姑甘雨後貴封方為孀人

姚在正妻陳氏

黃宏川妻何氏黃鞏為之傳

李汝謹一門三節汝謹妻林氏汝謹之子曰敦化孫曰天錫曾孫曰于蕃敦化之妻曰程氏天錫之妻曰陳氏汝謹父子孫皆蚤夭而敦化天錫于蕃並遺腹所生一門三節俱以壽終而程氏又能割股以救林姑之病

游潛周妻劉貞肅

許師德妻李氏

陳宏慶妻金氏

林仲華妻鄭氏

周景潛妻羅氏

庠士朱文妻王氏

鄭一清妻楊氏

廖大訓妻陳氏遺腹子曰慶慶登進士詔書旌門

監生廖奇進妾黃氏撫四歲孤賓賓後仕為德興令

曾宗平妻鄭氏

張儀度妻陳氏

鄭舜弼妻許氏

廩生李景昕妻林氏

方于養妻吳氏年廿一夫亡既遺簪自誓奉舅姑辭

康正福妻吳氏

庠士李一復妻姚氏年二十以歿殉

余永冲妻陳氏永盛妻朱氏姊姒皆蚤寡撫遺孤以

壽終

孝子蟻鳴虞妻陳氏鳴虞從御史陳傑講學事父母

孝蚤卒陳矢志甘貧撫遺腹男成立以壽終

黃子隨妻洪氏

鄭國贊妻林氏

閩

卷之二十四

閩

元

元

庠士柯木妻林氏

方子受妻張氏

朱景說繼室吳氏

黃希東妻方氏

宋玉卿妻陳氏

黃潭妻林氏

陳梅妻黃氏

朱君直妻翁氏

陳淳妻蕭氏

林獻策妻黃貞秀

鄭子會妻張氏會臨盡不能語書節孝勤儉四

木尺一條付張張抱二子與訣斷一指為信髭鬚斑

字若尺時出示孤孤母忘乎家告竭日重二餐以祈

昌後子會以孝聞有盆蓮並蒂之瑞

余國盛妻李氏

丘茂濟妻張氏

周道本妻程氏

卓人梯妻陳氏

鄭三娘母許婚庠生吳世勳其兄恥吳貧挾勢悔婚

別納富人聘三娘縞素臨之曰吾有歿而已碎其聘

登樓不食歿御史聶豹按莆親往吊馬爲築烈女墓
撰墓碑之文詔書旌表

張廷光妻王氏廷光隨父卒官邸久之父亦卒王年
方二十吳私其季子謀嫁之王誓不再醮姑苦之百
方及子稍長自經歿

朱仕顯妻林貞淑

黃漢妻陳氏

陳會妻卓氏

張純昭妻林氏

朱茂良妻吳氏

鄭汝陽妻林氏

鄭善卿妻陳氏

朱紀未婚妻翁妹娘紀亡女欲躬弔之守志奉姑父
母不可含哀不食越月父爲之婚自經歿

晉江潘遜妻黃氏年二十二從遜戍鎮海逾年夫卒
與姑吳携骨歸塋齧斷右拇指以誓年八十五卒

康長源妻崔氏夫卒子大和僅七歲翁孱衰老崔
拮据辛勤奉翁課子縲車聲聞丙夜後以大和貴累
贈淑人

右貞女

閩書卷之一百四十四

閩書卷之一百四十四

閩閭志

興化府

莆田縣二

嘉靖癸未廣賊寇閩中與難者四人曰王文奎女江口前王村人方笄被賊掠行至屋後山給曰吾欲汲江水飲之約帛束衣投下死順流下海數日屍乘潮回肌體不露顏色如生曰詹秉直妻黃氏與其姑同為賊獲賊索金帛篋始慘楚黃曰願代賊不聽殺姑黃奪賊刀自殺事聞並賜旌表鄭善夫作苦節行曰下南四郡三郡兵閩盜此日真縱橫安溪莆口備慘

閩書

卷之一百四十四 閩閭志

興文

毒殺氣上冒天爲腥六師不發無戰情賊過一程移
一程兵驕將怯往必敗疆場之事誰曾經官軍畏賊
遠護送民兵不教將何用坐遣群羊啖虎口萬姓何
辜死無訟前王少女不就虜抽身抱石沉江水詹家
少婦賊殺姑罵賊不屈同姑死我歌苦節行泪下哽
咽悲不止吾輩堂堂七尺軀况作男兒把天紀清風
嶺曹娥渚長使志士哀千古吁嗟乎詹家少婦前王
女曰王原德妻陳氏居王莊寡居二十八年賊至盡
得王莊諸婦女惟陳抗死房闈中事聞旌表鄭善美
爲作傷哉行曰傷哉乎尚陽之南廣業之里千數葉
茨變賊壘殺人成丘山旬月不見官軍至我思八閩
十七衛太祖太祖以來食盡多少官倉米一朝緩
急不得分寸力惡用餉爾民膏髓臙風吹塵汚詩禮
安能一沃滄溟水傷哉乎垵頭山新渡嶺婦女不行
及加頸新渡嶺垵頭山黃金滿意婦女還可憐娥眉
七十二竟無一下清風灘死生在前良獨難傷哉乎
前王寡妻獨死房帷間令人苦憶太古時上有堯舜
下臯夔契敷五教張四維稷播百穀民忘饑九州分
理十二牧天子端拱而無爲四凶旣誅戮六合歌雍
熙耕且讓畔行讓路重門暴客從何來嗟彼盜賊豈

無民彘犁鋤化兵誰使之傷哉乎聖王不作吾已而
曰高安簿陳準妻丘氏年方艾流賊入其家丘時在
樓二賊捉之遂投樓下死郡邑旌之葬于舅姑之墓
側夜時時有火光後占墳有水啟別竈皆水滿獨丘
竈有團火出穴人謂正氣所感

嘉靖壬戌與倭難者四十三人四十一年倭陷興化
城與難者四十七其事可表其志皦如也庠士林觀
願妻柯氏倭圍城語妯娌曰城陷死矣賊至被執至
顧提學池亭賊稍侵之遂赴水死 庠士林須恭妻

劉氏年二十六姿貌殊麗賊強侵之劉抗拒刃割其
腹同俘者見其屍仆地猶手執褌襠賊感動爲之具

棺殮 高翰妻翁氏賊入城翁抱姑哭賊殺姑礪刃

翁頸曰不從砍矣翁伸頸罵曰賊奴便砍何可從也
賊復殺其幼子而擬以兵曰砍矣翁復罵曰姑死子

死吾獨生乎伏姑屍大哭遂被害 陳復拱妻黃三

姐年十七垢面冀免污賊獲逼之梳洗黃哭罵奮前

奪刀賊大怒拽之出黃且指且罵賊擘之五指俱落

仍刺殺之同俘者覆以青袍積薪焚其屍 知縣鄭

文煥繼室郭氏賊執欲污之厲聲罵遂遇害 魚臺

尹鄭任妻陳氏賊入城時卽投井家人救出之同夫

被執入營奮必死既而夫釋獨留遂罵賊死歸殯之
顏色如生 知縣黃約妻高氏城陷抗賊死節 庠
士蘇繼茂妻唐氏城圍急指後庭井中謂賊獲曰城
陷此吾死所矣倭入城盡室逃竄唐氏投井死 鄉
貢士方繼曾妻林氏夫歿貧且無子忍死養舅城陷
亟扶舅縋城舅老悖不能下乃垢面男髻扶舅歸伏
其夫棺側賊獲之笞舅請以身代賊兩釋之戒諸黨
勿藝其居 庠士周大佐妻游氏城陷被執賊責贖
金露刃臨之游無怙色值他賊過欲以金代贖游罵
愈厲遂被害 廩生鄭東野妻陳氏年二十五賊入
城卽投井家人救出之同夫被執罵賊死 庠士林
觀文妻陳氏年二十四守志又四年被執不屈賊生
縛而投之火中 庠士鄭肇妻鄒氏肇被賊執舅引
姑及鄒匿鄰舍天明賊獲之逼使前鄒奮曰死卽死
不可前也賊怒刀刺洞胸血被地猶屹然坐姑驚號
賊斫姑頰愈憤罵激烈賊刺其喉死 庠士宋茂淳
妻張氏賊逼之具脂粉使自飾張號詈盡碎其具賊
欲刃之受以頸乃禁之密室潛自牖出抱乳兒下井
死 庠士李啟謨妻黃氏方盛年賊至匿其男鷄櫛
中覆以麥草與二女赴水死 州判黃采妻朱氏張

氏城陷朱自經歿張與采被執賊屢犯不從執采焚
之張自投烈火歿朱年二十五張年二十 李塗妻
陳氏塗嬰疾陳事姑甚孝年十九倭執而逼之罵賊
投水歿 庠士鄭日新妾蕭翠鬟與其婢同爲賊執
曰吾必歿之卽以所生子付其嫡妻旣至賊逼之不
從佯欲殺之卽引頸受刃如是者三婢勸之曰何自
苦乃爾怒罵愈厲賊刃之 吳緒妻鄭氏年二十八
夫亡勵節城陷歿焉 林文鉞妻王氏早寡撫孤有
孫矣城陷遇賊賊欲刃之孫廷準曰祖母守節請殺
吾賊殺準王得釋準妻黃氏縋城遁入山聞夫計不
食歿準弟廷漑以護幼弟出城爲賊所殺未娶婦鄭
氏適被繫亦自投白馬潭中 黃懋志繼室翁氏莊
重美姿賊見而悅之給以更衣自縊歿 王大勳妻
張氏年二十二夫亡姑老自吃糠覈以米啗姑遺腹
生男撫教之賊入城與婦朱氏扃門燔歿 吳應桓
妻陳氏年二十七寇獲之大號曰一歿便休從汝虜
耶仆地不起賊斬之 黃士寵妻陳氏士寵宥也陳
爲俛拾仰取生有男女矣而士寵歿服闋舅欲嫁之
涕泣踞庭自明志義亡何男女夭喪志節益堅賊且
至城中屢驚語人曰吾聞歿而無辱則魂魄不媿竟

被擄赴水歿 郭景順妻何氏年二十五猝遇賊勒之不從欲兵之曰可歿不可辱賊五舟聯爲一舟縛何氏出刃摩其頸以示同俘諸婦時冬方衣絮絮領故厚何自抑衣領伸頸受刃嫚罵祈歿賊怒殺之投屍海中 鄭若濟居江口倭至江口妻蕭方入城若濟遇害計聞蕭哭投江橋歿 阮有道妻黃細娘居海上聞倭警携二子附舟避之賊追至赴水歿有道從弟道充妻陳氏遇賊亦赴水年俱二十餘 蕭奇烈奇照兄弟也其二婦皆林氏同孀共節倭至城二婦相語曰吾二人嫠居十年不可辱也當求所以生二孤耳奇照妻縋兒城外投城下從之奇烈妻則毀面易乞人服從城門出奇照妻足傷尋卒奇烈妻被傷仆地力護其兒居月餘亦卒 雍士憲妻林氏倭臨城姑方卧病林不忍去姑賊至將殺姑林請代賊見林色悅之免其姑縛林去至渠河林紿曰不須縛也願自行賊信而解之遂投河歿 陳在良妻方邵娘城陷與姑若夫出避賊賊擁至姑若夫俱相失賊逼之邵娘罵賊投河歿 林承芳妻鄭氏遇賊罵不從賊怒割其左耳罵愈厲復割其右耳又復罵賊大怒割鼻逐之 劉氏二女被倭擄繫入知府林介祠

中倭飲而酣遍視繫中得二女出之姊妹也姊年可十七八有殊姿倭先取姊姊厲聲曰我名家女也肯污賊倭莫知云何詢舌人具以對倭微笑命慰之曰若從我終當詢父母歸汝耳女曰父母未可知此時尚論歸耶倭知其不然以姿故乃撫背作款語狀女雄視罵益甚時黃昏倭方縱火女卽赴火歿已復侵其妹妹大罵曰我姊爲汝歿我豈汝污夷雖不辯其音然見其色厲甚露刃脅之女不爲動曰歿卽歿倭無可爲計欲強犯之女知之給舌人曰吾固願從姊屍未化吾不忍也化姊屍從汝矣倭聞譯言有喜色身負薪爲諸酋先火熾女又赴火歿倭恚甚連創其膚殺其被逮四五人以洩怒 黃河妻陳氏河陷賊賊質以索鏹陳氏遍過宗人無所得乃自入虜圍請代告賊曰必放夫出鏹乃可得逾旬河不至賊以爲給已引出割其乳立斃 西門女子者賊至匿西門澗竇中賊得之據地不起賊怒刺其喉四五日顏色如生但頭微俯如支頤之狀 二州女姊妹也賊欲污姊姊厲聲大罵值火發遂赴歿已而意及妹亦投火從之賊吐舌去 溝頭地媼者賊將殺一男子媼固抱持云夫也賊奪而殺之媼拊屍裹血哭移時亦

被害 北門嫗者賊殺其姑抱哭同歿 水關旁女子者賊執之罵賊賊斷女子舌寸斬焉 後村婦人者容色甚盛不受賊汚曰請受刃賊戀之置之房乃自垢其面請歿甚切賊不忍復以火燬面皮決之如癩賊舍之 釘壁女子者抗賊不屈賊釘其手足於梅峰寺前之壁間以歿 槐樹下女子與父同執賊欲質其父取贖金女曰吾女流無能為也可放吾父賊出其父女知父貧無所取金遂代父歿 衣紅女子丘家女也容色麗都賊任西洲得之厲聲罵賊 鄉貢士蔣龍妻林四娘龍計偕卒旅邸四娘年二十

二無子勵志艱貞事姑甚孝時海賊盜起扶姑匿山谷間遇賊驅至水塘挺身投之載沉載浮賊以矛鈎置膝上氣絕移時復生數載姑沒推衣被為殮薄衫度寒三食不給及卒御史何淳之禮葬之

林積華妻陳氏

陳汝父妻林氏

陳汝誨妻吳氏

周子泰妻陳氏

游汝才妻黃清娘

卓世芳妻林氏

廩生陳洪宗妻鄭氏憲使玉之女婉嫻篤孝姑病割股以進玉病復為割股洪宗早沒刻志守節食貧撫孤年六十四卒

鄭孚可妻林氏生兒五歲夫卒林矢志防禮舅七十餘性嚴憚患瘡痿卧者數年林終始孝敬之至

方詩妻林繡年二十一詩亡子正梁方三歲林矢志育姑疾痰湯劑必親三年不懈姑卒號痛無已家貧治麻絲車二鼓為常課孤讀書偶有過不貸後正梁官趙府長史

吳良質妻戴氏年二十二無子而寡割股愈姑

楊岐妻宋氏年二十五守志奉姑姑日翳舐之五年忽開明如初

劉環未婚妻陳金娘以烈殉

陳加猷未婚妻鄭一娘以烈殉

庠士鄭箕妻陳氏旌門

仙遊謝景賢妻姜氏

仙遊庠士林龍妻黃氏

劉貴文妻朱季貞夫亡子幼堅守撫育媵俞氏亦化其貞俱以壽終子閔見縉紳

林道妻黃氏

康貞卿仕人女也仕人爲秀才時與人林瑛友善以許其子九錫已行繫臂禮及貴抵家聞瑛繼妻不恤前人子遂潛取宗人女并載宦游意欲爲女代也女知之卽不食父母多方勸之亦不食惟私泣語宗人女曰吾誓必死宗人女亦歔歔泣下比至驛舍病轉劇父母問之垂淚不能語遂絕越二日宗人女亦暴卒其夕林瑛髣髴見康氏二女來拜謁心驚訝數時果聞其事云

陳若瑛義門人聘舒郎未嫁舒沒陳不食死其日題詩云有女名若瑛義門陳氏子女紅中饋餘頗亦嫻書史十九聘舒郎雙璧燦盈貯百年偕老期竟爲天所阻妾身雖未明妾心良已許豈無展轉匹志奪妾所耻名旣爲君婦能不爲君死我生尚氣節賦終毛髮豎

鄭孟恭妻蔡氏

庠士李約妻陳氏

庠士柯礎妻黃氏

柯林妻黃氏年十九林沒無子孀居二十餘年雖同舍莫窺其面

鄉貢士方珊妾吳氏年十七纔納三日珊卽北上卒

于途吳同嫡洪氏守節年七十六終

胡繼垣妻周氏

黃恭甫繼室林氏年十七而寡夫已抱疴氏供湯藥
割股肉和粥進三年夫卒無子氏自經賴家人救免

杜門撫前人女至于成立

林端五妻吳氏守節撫遺孤應俊俊歿婦朱氏復勵
志守節奉姑以雙節聞

庠士黃承志妻林氏

庠士陳仕瞻妻張氏年二十而寡其貧守節割股愈

姑

周興邦妻曾氏

梁績妻方氏

郭鑿妻黃氏

庠士吳東周妻謝氏二十三歲而寡雙白在堂家無
擔石辛勤節儉養生送死各盡情禮宗族稱之


庠士李楠妻曾氏適楠而寡割股愈姑

庠士吳如珪妻黃氏

庠士鄭遂期妻陳氏

郝應科妻陳氏

余應瑞妻朱氏



陳遜妻祁氏年十九而寡孤承科纔四月矢心秉節
割股愈姑

葉在穎妻俞氏

周洪德妻黃氏

合浦知縣鄭正規繼室林氏年十七父携往合浦成
婚至則規病篤不克合襁歸父家曰未成婦也可
重行不許孀居二十餘載卒

司獄曾泰妾陳氏年十九孀居矢心事嫡年九

終

陳明德妻黃氏

藍景光妻林氏

楊鎮妻林氏

郭大化妻鄭氏

庠士宋夢奎妻林氏

陳道妻黃氏

庠士林舉巖妻曾氏

鄭從龍妻吳氏

庠士吳一桂妻林氏

顧養達妻林氏

洪肇曾妻張氏年二十而寡遺孤纔兩月舅老姑其
繼也張奉養惟謹已而姑忽失明持侍洗祿二十年

如一日兩世之喪悉出經理有司旌門
林應棧妻黃氏

庠士郭文采妻宋氏

周輔邦妻郭氏

徐東華妻周氏

馬全昌妻陳氏知州文熙女年二十而寡矢志奉姑
刻夫像朝夕哭奠持齋一十四年病篤姑與母欲延
醫泣辭之命垂絕盡家至欲圖其面猶以兩手蔽面
而卒

庠士陳致恭妻林氏二十而寡事姑孝倭亂兒達捍
方八歲為所擄粥產贖歸備辛苦迄于成立

吳氏二婦吳繫妻陳氏年十九而寡孤甫四歲陳守
節存孤孤明卿錄庠娶婦周氏又十九而寡孤甫三
歲姑婦相依閨內肅然

程庠妻方氏壬戌之變庠嬰成疾方扶縋城又傷足
方追隨壕莽中數日取衣裹水濡沫之庠自分必歿
勸方去方垂淚而已亡何庠斃乃尋故居同家眾負
尸歸殯時年二十四僅一女事姑甚孝

蔡應可妻吳氏

戴宗仁妻林氏



顧啟宗妻陳氏

庠士方湛繼室吳氏夫歿矢志撫前人子承郁以至成立詔立坊旌之以承郁貴贈孺人

丘伯載妻鄭氏二十二而寡無嗣舅早世與姑曾相依靡他家貧紡績蔬素二十年營葬夫翁畢即減食哀痛卒

俞康妻林氏夫卒茹荼孀居五十餘年奉翁姑以孝教子有方後以子誨貴贈孺人

林崇生妻趙氏

庠士林仕養妻黃氏年二十夫客歿計聞欲絕念二白在堂遂矢志孝養嘉靖壬戌之變冒矢石全姑孀居五十四年

庠士林堅妻曾氏年十八寡遺腹一女誓言志嚴潔事姑以孝聞

庠士戴宗泗妻林氏憲副廷陞女也夫卒矢志靡他積金創祀舅姑而夫禰焉父病割股至再

張珣妻俞氏年十九寡無子矢志靡他割股愈姑者再

歐嘉節妻鄭氏

葉九苞繼妻鄭氏

庠士鄭明瑞妻顧氏年二十而寡有妾王氏年十八遺娠三月已舉男翁沒姑病割股以進孀居者五十年

林標甫妻謝氏

庠士陳嗣楚妻鄭氏年二十三而寡一子繼歿誓成靡他孀居三十餘載未嘗瞰戶外

曾于材妻張氏


葉宗仁妻鄭氏葉時煥妻亦鄭氏宗仁時煥叔侄也二鄭並寡人稱雙節

庠士俞爾賜繼室鄭氏俞爾昕妻李氏妯娌也以節相厲久不渝志

庠士黃芳栢妻唐氏年二十二而寡遺孤偲甫四月矢志勵節偲又早世與婦孳孳相守拮据營二代葬晚節孤苦尤人所難

余待佐妻梁氏年二十七而寡子振先甫二歲有妾陳氏年十九遺腹生男撫孤守節二人同心六十年如一日

庠士林應逵繼室丘氏年十六適林甫半載夫亡翁亦繼喪丘矢志孀居撫前人子如已出及孤授室而歿又撫其孫勤苦拮据以存先業



林道相妻戴氏年二十夫亡守節辛勤紡績買土葬夫姑病刲股以進郡縣扁之

許有容未婚妻陳水娘以烈殉萬曆三十三年旌表

朱朝勲妻陳氏夫病刲股籲天自代及卒衾殮畢闔扉縊歿

廩生魏雲璋妻林氏雲璋病林氏刲股而愈九年病復作竟不起林氏痛哭奠辭更衣密縫自縊而卒

右貞女

興化府 仙遊縣

宋

蘇洸母

蔡高妻程氏

葉傳妻黃氏

候官陳韡妻林氏

蘇洸母蘇欽妻也洸以賓州倅攝桂府武弁陳姓者交通諸蠻納賄巨萬事覺逮獄當路有為地者屬洸治之卒正典刑一府肅然時欽妻年七十餘聞洸治獄事曰昔人以平反悅其親吾無疚矣

蔡高妻程氏高為太康簿卒官時程年二十四縣人哀其貧以錢百二十千為贈泣曰吾家世庶吏不可以此污吾夫却不受鄉里賢之

贈少保葉傳妻黃氏傳蚤歿黃年二十四守節傾家

賢創義齋聘名師教族里子弟治家最嚴子弟問起
 居非正衣冠不接見後以曾孫顥為相贈衛國夫人
 侯官樞相陳韡妻林氏知縣渙女知書能文有丈夫
 志紹定間寇陷汀邵延平諸郡韡起守延平兼招捕
 使林遺韡書請從官示死守許之邦人感激相告曰
 太守携家我輩何畏有從韡行間而妻子無依者林
 延養之州宅有能學者使與已子同學人人為盡死
 以是有成功

皇朝

柯文炯繼室胡氏

胡氏者嘉興府司訓柯文炯繼室也海鹽人父蚤世
 母適人文炯年六十三官嘉興為喪子而娶之時年
 甫二十居四年文炯乞休歸胡氏母若兄詣文炯請
 胡氏文炯從其請胡氏聞之於邑自矢以死相隨濱
 行母兄踵至舟次欲奪之胡氏以死拒之竟與同歸
 囊蕭索芟田門復被盜益罄而文炯患不仁之疾胡
 提抱水火臭穢不厭三年如一日文炯為五言古謝
 之既竟不起胡年二十八哀毀終喪及除蔬水粗糲
 坐卧一室盤盂七箸巾櫛必躬滌用不以人代子姓
 雖垂白不得覲其面時問安否及堂止耳嗣孫有庸

及孫婦林氏孝事維謹間有疾有庸精岐黃業亦不許握手診脉撫按聞之月給糧終身

右賢女

皇朝

張琳妻王氏

盧瑞妻陳信

郭長吉妻李氏

鄭恒順妻朱氏

林邦祥妻唐氏

楊行清妻陳氏

陳德遇妻戴氏

林孔昇妻黃氏

宋元英妻陳氏

吳尚瓊妻鄭氏

茅宏慎妻傅氏

陳氏姑婦

王希吉妻李淑貞

陳景亨妻蔡氏

張洪濬妻陳氏

黃永齡妻薛氏

周禮妻鄭玉姬

林咸妻陳氏

傅沂妻蔡氏

吳大符妻陳氏

吳文臣妻張氏

陳念一妻曾氏

鄭五一妾黃氏

吳文釗妻林氏

程煥妻周氏

林翔鳳妻王氏

李子紆妻吳氏

官起鳳妻王氏

鄭箕妻陳氏

李應辰妻陳氏

張琳妻王氏年十九琳卒養姑鞠子堅節四十餘年

成化中旌門正德己巳寇焚其居及風息火而門獨存後曾孫文鎬登進士

廩生盧瑞妻陳信旌門

郭長吉妻李氏旌門

鄭恒順妻朱氏

林邦祥妾唐氏

楊行清妻陳氏

陳德遇妾戴氏

林孔昇妻黃氏

宋元英妾陳氏

吳尚瓊妻鄭氏

茅宏慎妻傅氏

陳氏姑婦陳景星妻曰王氏歸景星時祖居燬兵產

業先貸于人王斥奩資勤紡績相夫復業年二十七

景星卒二子坦城俱幼家又落誓歿其貧撫以成立

而城復早卒婦鄭氏年二十一子在襁王微諷之鄭

泣曰豈姑能之婦不能耶遂俱以全節終

王希吉妻李淑貞早寡守其三歲孤所居一室掃壁

滌地詔書旌門

陳景亨妻蔡氏

張洪滌妻陳氏早寡遺腹子常後常亦夭又撫其孤終始一節

黃永齡妻薛氏年少而寡撫其遺孤及婚亦夭幼孫失明搏穎顙天得完一日年七十卒

莆人周禮妻鄭玉姬侍郎鄭紀女也夫喪子殤終守婦節旌門

林咸妻陳氏年二十二夫卒子幼家貧紡績養舅姑母兄憐其少陰許富豪為繼室陳自經而亡

傳沂妻蔡氏

吳大符妻陳氏

吳文臣妻張氏

陳念一妻曾氏年二十八夫歿養子子又歿撫孤孫以堅苦終

鄭五一妾黃氏年二十五主一歿守節撫遺孫紹業後紹業歿與婦陳氏孀居人稱雙節

吳文釗妻林氏

程填妻周氏

林翔鳳妻王氏年二十六而寡事繼母盡孝

李子紆妻吳氏

官起鳳妻王氏年二十四寡守奉舅姑撫孤子年九

十餘

庠士鄭箕妻陳氏

李應辰妻陳氏年二十三而寡撫育遺孤姑病刲股者再

右貞女

興化府

興化故縣

唐

陳如寶妻王氏

林可德妻董氏

鄭如賢妻方氏

吳噐妻林氏

方正道妻黃氏

羅士程妻吳氏

陳如寶妻王氏寶卒無子王守志奉姑姑年八十一卒嘗捐金建寺於萍湖東山之麓曰順姑寺

林可德妻董氏

鄭如賢妻方氏

吳噐妻林氏

方正道妻黃氏

羅士程妻吳氏

宋

林坊妻薛氏

薛瓊妻方氏

方至道妻黃氏

官曰海妻潘氏

薛夢鯉妻謝氏

方綱妻杜氏

陳所蘊妻常氏

薛元第妻高氏

陳元伯妻李氏

崔世德妻張氏

方大道妻章氏

鄭如理未婚妻伊氏

林坊妻薛氏年十八夫卒父母欲嫁之薛漆身為癩

邑令孫逢吉扁曰節義幽光

薛瓊妻方氏光祿卿偕女也年十九夫卒方日夜哭

居數月自縊歿

方至道妻黃氏

官曰海妻潘氏

薛夢鯉妻謝氏

方綱妻杜氏

陳所蘊妻常氏

薛元第妻高氏夫卒于外高日夜號慟三年喪畢遂

自盡也

陳元伯妻李氏元伯歿於溺李求不得其屍亦投水

歿

崔世德妻張氏嫁三年世德歿自經以殉之

方大道妻章氏家遭疫風歿亡已半章謂大道曰天

災其免乎卒不免張撫棺大慟數月自縊歿邑令捐

金瘞之

鄭如理未婚妻伊氏進士伊樅女也以烈殉

皇朝

鄭世貴妻蕭氏

庠士鄭世貴妻蕭氏早孀撫二孤二孤相繼天守擦

益堅

右貞女

邵武府 邵武縣

皇朝

王禮娘

王椿妻章秀娘

黃僑妻余瓊娘

王禮娘都憲陳泰妻泰嘗司訓安慶王侍始謝抵安慶謝忽病醫藥不效泰割股為湯以進王焚香願天願減已筭謝病尋愈泰居官廉甚王飭內外毫釐不苟以成其節又以寬嚴相濟為泰勸贊助良多時論賢之

王椿妻章秀娘椿年十七患瘋疾不能動履氏父出四十金浼其離婚椿父母謀曰此子終成痼疾許之可也氏聞之晝夜泣告曰許婚後方有疾女命所致又誰怨嘗聞好女不嫁二夫遂私自縊嫂覺救甦既

于歸藥食扶持皆躬親焉三年而椿疾愈復鬻產勤績以資椿讀為博學聞人子焯以貢領青陽訓乞歸養卒年八十六

黃僑妻余瓊娘年十九夫死無子矢誓不嫁末年盡以財產建祠堂

右賢女

宋

龔氏二女

龔氏二女父慎儀開寶初守歛賊盧絳脅慎儀慎儀拒罵遂舉家被害二女被擄以行至邵武王堂香巖寺絳置酒恣飲二女遂縊于寺後之小墩後人名其坎所曰烈女臺去臺百餘步有雙塚焉

元

黎氏

黎氏孀居事姑甚謹其姑年至百歲黎旦夕察饑寒夜則抱衾侍寢若是者四十餘年

皇朝

陳文清妻丘氏

黃黑未婚妻饒紅姑

朱氏

吳誠妻陳正娘

盛文昱妻鄭淑娘

鍾彌臯妻徐觀娘

楊進禔妻蔡康娘

何弗保妻丘榮娘

庠生上官阜妻丁氏

程清娘陳玉娘

楊容妻周鳳娘

郡學生鄭瑞妻龔杏娘

傅長遠妻李榮娘

李氏羅氏

丘禮奇妻黃長娘

謝源貴妻危瓊娘

郡廩生張楫妻龔任娘

庠生王時雨妻鄭氏

高科妻侯氏

王鈞妻虞氏

陳鎬妻丘氏

鄭東海妻金氏

羊懋妻吳氏

舉人王錫繼室謝氏

羊國用妻王氏

杜鍾英妻周氏

監生羊國鼎妻吳氏

王价妻陳氏

李宜雨妻黃氏

監生王文冲妻何氏

張大綬妻朱氏

丘命妻范熊林三氏

陳文清妻丘氏永樂初侍文清從戎福州文清以公

事適延平遇疾卒丘時年十七子永宗生甫四月計

至遂抱永宗奔延平函殖歸葬誓不再適後永宗官

至陽武令

黃黑未婚妻饒紅姑黑沒紅姑聞計持服既闋父欲

改之堅不從父強受聘潛入卧內縊死御史聶豹為

立石于墓

朱氏年二十一苦節孀居義方教子以壽終子禮孝行著聞

吳誠妻陳正娘都御史泰女誠卒目不瞑所親曰爲未立後乎請立後猶不瞑陳曰君念父母矣仰天矢曰所不終事有如日乃瞑抑哀畢喪葬無傷舅姑遂爲立後已爲柩置寢側曰未亡人就此致命地下矣成化中十四年旌表

盛文昱妻鄭淑娘年二十三而寡撫二子二子繼歿同長嬪黃足娘以節終

鍾彌暉妻徐觀娘

楊進禩妻蔡康娘

何佛保妻丘榮娘

庠生上官阜妻丁氏

程清娘陳玉娘清娘郡庠生吳衡妻玉娘郡庠生吳衍妻娣姒也以雙節

楊容妻周鳳娘

郡學生鄭瑞妻龔杏娘

傅長遠妻李榮娘

堯一言妻李氏年二十一言卒其貧砥節教子世美中鄉舉早卒妻羅拮据生計與姑同操郡守吳國倫

扁之曰節孝雙勵先後旌門

丘禮奇妻黃長娘生子澄甫歲而禮奇歿黃年十八
矢志撫孤孝事繼姑伯叔昆季不相面禮奇為叔嗣
其產甚殷其姑取禮奇嗣產均他子黃無難色且誠
子勿爭曰天若祚女女業將大孀居六十年嘉靖中
旌門

謝源貴妻危氏蚤寡自忍饑寒以奉老姑為夫立嗣
緝纒伴讀萬曆中旌表

郡廩生張楫妻龔住娘

庠生王時雨妻鄭氏

吉同科妻侯氏

王鈞妻虞氏幼涉經傳動遵女則年二十餘而寡嘗
自書以見志云嬪人四教無一可虧嬪德缺則行誼
乖嬪言輕則辭令慢嬪功惰則織紉荒時有豪家謀
娶虞以歿自誓不為所奪隣居失火將及虞室虞仰
天號哭倏爾反風人以為貞節之應
陳鎬妻丘氏鎬死於兵丘年二十有二計聞親奔死
所取屍函殖歸葬遺腹生子撫教成立孀居五十餘
年

鄭東海妻金氏年十九而寡遺腹七月東海死與金

訣曰生女可勿育生男待三年後付祖母撫之汝可
改適金勵志守節奉養舅姑教子成立親戚有喪不
能舉者脫簪珥以贖之年七十九卒

羊懋妻吳氏年十九懋故前室遺一子震甫四歲吳
撫之如已出有利震家者逼吳改嫁吳抱震號哭取
刀截髮以死自誓

舉人王錫繼室謝氏

羊國用妻王氏

杜鍾英妻周氏

監生羊國器妻吳氏年二十一而寡奉姑極孝撫庶
子不啻已出

王价妻陳氏年十六而价卒孤方在襁孤復殤歸母
家晦處深閨竟全其節

李宜雨妻葉氏

監生王文冲妻何氏年二十五而寡姑病痰喘侍湯
藥不解帶嘗患瘧痢瀕危不就醫胗脉教子以

義方

張大綬妻朱氏

丘命妾范熊林三氏命雄于貲有行誼卒時遺二孤
宗戚無可依熊守其孤范會計賦役林綜家政郡人
謂之三貞

右貞女

邵武府

光澤縣

皇朝

梅繼芳妻郭氏

梅繼芳妻郭氏正統間出粟千石備賑

朝廷賜

勅諭勞羊酒有司樹坊旌之

右賢女

元

朱溫妻危氏

上官成一妻李氏

危萱妻陳氏

朱溫妻危氏至正末唐子寇陷杉關危氏被執罵不絕口夫婦俱遇害

上官成一妻李氏至正末江西寇陷光澤邑民依烏

君山玉隆宮以居鄰寇乘機入山剽掠李氏被賊執

驅繫前行經龍床石崖壑深數百丈李氏曳繫與賊

俱投崖歿

危萱妻陳氏至正末寇陷杉關驅掠男女柵於里之

金靈山既盡殲之遂及於萱陳氏罵曰強盜強盜汝

殺吾夫恨不殺汝亦被害子瑄方七歲伏屍不起血

流滿身盜義之携而去

龔均實妻吳氏

郭子成妻鄧奴娘

陳宗妻危道娘

李彝妻危五娘

高振妻彭就娘

高明妻危栢娘

李毓妻何翠娘

李紹義妻官氏

傅政妻施五娘

王天寶妻危瑄娘

黃應斗妻王祥娘

李子春妻黃足娘

彭仲弼妻何金娘

龔均實妻吳氏均實蚤喪家貧吳紡績給孤仲賢撫

而教之及長以孝行稱

郭子成妻鄧奴娘子成洪武中繇人才舉以疾卒于

旅邸時鄧年二十二撫二子奉舅姑舅姑沒罄產營

葬葬畢尋卒

陳宗妻危道娘宗有姑無子鞠宗為嗣宗奉之不異

所生宗疾革以姑托危既卒姑命改嫁危道宗臨終

之言事之益謹姑以壽終喪葬盡禮鄉黨稱之

李彝妻危五娘

高振妻彭就娘

高明妻危栢娘

李毓英妻何翠娘

李紹義妻官氏紹義故饒貲財邑有平濟橋圯紹義欲脩之未果而卒氏年方二十慨然建造以成夫志遺腹誕男遂名橋生事姑王始終無倦俄里中回祿延燒二百餘家氏獨無恙人謂孝義所感

傅政妻施五娘政歿於寇舅亦被虜施葬夫贖舅兒

未一週舅又雙瞽人勸之嫁施不事膏沐侍養終身

王天寶妻危瑄娘

黃應斗妻王祥娘年二十而斗卒苦節教子辟纊易

食以奉姑嫜典衣供饌以延師傅人咸稱之

李子春妻黃足娘

彭仲弼妻何金娘

右貞女

邵武府 泰寧縣

宋

蕭玠妻葉氏

鄒俱妻江氏

上官氏

蕭玠妻葉氏祖洽孫女也生二子舜咨舜申早孀家貧紡績教子後二子貴服布素勤女工如貧時子勸止之葉曰登枝捐本古人記之矣卒年百歲鄒俱妻江氏俱卒寡居教子先患目疾日夜誦經忽

一日目明知慮開朗預知人事樂善好施有陰德歲九十沐浴更衣作偈曰解即不解悟即不悟誰歿誰生誰來誰去因盡緣空當生淨土言訖而逝

上官氏和平望族貞順勤儉涉獵經傳適邑人鄒衡早卒刻意教子貿布為束脩每課讀盡丙夜後子應麟應博皆登第恩封令人卒年九十五

右賢女

宋

葉氏二女

葉氏二女紹定二年寇犯邑二女與嫂義不受辱相與結襟投於溪流邑人鄒應博為立祠祀之扁曰三

潔

元

黃氏

黃氏邑士元實之女至正十三年鄉惡少為亂邑令延元實諮討賊計賊奄至元實遇害黃氏被髮跣足奔父歿所抱屍哭踴賊憐其色欲污之女罵曰恨不生啖爾肉尚敢為不道罵不絕口亦遇害

皇朝

李榮妻龔氏

杜幼童妻聶氏

開

卷之二十四 閏閣

十一

與石

王氏江氏

李祥妻鄧氏

無名氏

江顯得妻趙氏

鄧勝達妻江氏

吳景馨妻何氏

呂斌妻雷氏

官世慎妻王秀娘

江寬妻羅氏

馮朝明妻李氏

黃宸妻謝氏

施必甫妻李翠娘

吳衛妻曾纓娘

王錫妻黃氏

曾約妻官美娘

李榮妻龔氏二十八而孀遭元季兵亂奉姑携幼不

離姑側後壽八十餘

杜幼童妻聶氏

王氏江氏徐二婦也王夫曰存江夫曰忠正統戊辰

同避寇於里之掃箒寨預相謀曰萬一危急有歿而

已一日寇果至王抱幼女投崖江繼之俱歿惟江子

福昭懸崖樹間得活以存徐氏之祧

李祥妻杜全正統戊辰避寇于獅子巖為賊所執欲

犯之全曰請就崖穴隱僻處及崖抱幼子投歿焉

無名氏沙尤之亂舉鄉避寇於里之登雲寨為寇所

襲賊悅氏色欲虜之去氏抱子墜崖而歿隆慶間有

里人營菟裘於其地取石崖下因見其屍手仍抱子

顏面如生頃乃隨風而灰

江顯得妻趙氏成化三年旌表

鄧勝達妻江氏成化四年旌表

吳景馨妻何氏年二十四而寡守遺腹子志崇足不踰閩舅卒姑繼家災于火結廬以居奉姑于床而日席地病抱如廁穢手理之嘉靖二年旌門

呂斌妻雷氏其母寡無子斌來贅雷年十八斌沒子嵩甫一歲雷後病革啟其手出袂三寸示婢曰浴我密室吾寡居晚以內無人能窺也嘉靖三年旌門

官世慎妻王秀娘隨翁判台州世慎卒于台王悲傷哭不輟口時兵部尚書譚公守台素知其賢及巡撫閩中特以禮旌之

江寬妻羅氏年十九寬沒家貧無子哀思矢志日懸夫像三餐設奠閱五十年餘未嘗見齒寬族弟江畱餘貲財哀其節時時周之乃得自存監司旌羅之節併獎畱之義

庠士馮朝明妻李氏年十六歸明兩月而明卒起卧隨姑刻步不離避亂登崖不以男子手引年七十餘終

監生黃宸妻謝氏

施必甫妻李翠娘

吳衛妻曾纓娘

廩生王錫妻黃氏

監生曾約妻官美娘

右貞女

邵武府建寧縣

宋

黃淑

黃淑字致柔幼通經史能詩文詞翰俱美適同邑進

士王防防為泗州戶曹卒黃營挈其柩以歸未幾黃

之母又卒黃哀毀骨立竟憂鬱死臨終囑其妾曰幸

納我詩文柩中也

元

官勝娘

方寧妻官勝娘寧耨田勝娘饑之虎方搜寧勝娘棄

饑奮挺連擊之虎舍去有司以聞旌復其家

皇朝

丁貴鼎妻孔廷娘

丁貴鼎妻孔廷娘夫亡矢志孀居上奉公姑下撫二

子士濂士濬怡怡友恭歷五世不分居皆孔之教也

閩書

卷之一百四十四 閩書

廿五

二百廿五

年九十七道院旌其門曰節孝

右賢女

皇朝

楊玉英

范安童妻李氏

廖大噐妻王淑

朱氏

甯餘質妻范寧娘

黃孟安妻俞氏

丘伯春妻應鳳姑

吳鳳姑

艾仲魁妻姜辛姑

李奇夢妻何長娘

楊彥八妻范鸞娘

李奇壅妻楊氏

李希周妻謝氏

余秀妻黃氏

廖傑妻汪氏

黃淵妻高氏

李寅妻宋氏

姜自恭妻朱愈娘

李容娘

朱建妻施氏

謝國徵妻何氏

黃燭妻余京娘

官異香

王寵妻何氏

廖士倫妻余氏

王約妻廖足娘

張紳妻李末娘

楊玉英獵涉書史善吟咏年十八父母許適儒流官
時中既聘時中家有事父母遂悔前盟改受黃廬山
聘幣玉英聞之囑其婢曰吾篋有荷包布鞵諸物異

日以遺官官人婢弗悟諾之而已於是竊入寢室自
經死目不瞑時中間計具禮往祭以手掩之遂瞑婢
出所欲遺時中物付父母啟之有詩云崑山一片玉
既售與卞和和足苦被刖足玉堅不可磨若再付他
人其如平生何

范安童妻李氏年十七適安童生一女甫三歲安童
以邑庠生貢成均授陵水令瀕行語李曰吾二親老
遠不可致養又無兄弟汝善代我李曰君行矣妾聞
廣東瘴地也善自愛朝夕奉舅姑嬪分也後安童以
事遠謫卒配所李哀毀幾絕以歿自誓舅尋得瘧疾
姑亦多病家乏如洗李勤紡績佐之後舅姑俱八十
餘以天年終

廖大器妻王淑別駕王用賢女方震而器歿已復舉
女舅姑叱之嫁王以歿自矢旦莫拂拭巾履席硯若
乍出而候其歸者久之季妣余舉子而余病篤屬其
子于王解出嫁時裝買山窆器虛右以待已徙余妣
復祔已右如母黨永訣歿

朱氏二節一名祥朱伯宗之女一名莊朱伯義之女
祥年十八歸同邑甯宗佩正統中沙寇倡亂宗佩偕
民兵往遏之被執而歿祥親詣歿所輿屍以歸撫其

遺腹女獨居莊年十七歸永城保黃瑞瑞中丁卯鄉
薦會試卒于京時莊年十九聞訃哀毀柩抵家首號
觸欲絕族人力解乃已亦生一女無男二人皆用完
節終

審餘質妻范寧娘年二十寡撫育遺腹子窶不易志
年七十餘終

黃孟安妻俞氏年十八寡撫遺腹子奉舅姑以
丘伯春妻應鳳姑年二十伯春卒鳳姑自投於汪鄰

嬾救起之取刀斷右手中指置伯春懷中以已衣為
歛既葬旦夕號哭墓前曰君有靈速邀我是夕果夢
其夫來邀忽得疾卒

吳鳳姑父祚鉛山司訓時時教以烈女傳及長頗通
書史年十八適宋存禮二十而存禮卒無嗣以

艾仲魁妻姜辛姑正德庚午寇亂姜年十九趨北關
外被執悅其色欲污之給之曰前水碓隱處也至水

次遂投歿屍三日不流寇退仲魁收歛之面色
李奇夢妻何長娘

楊彥八妻范鸞娘
李奇雍妻楊氏期年夫故無嗣舅姑謂其尚少宜自

啣泣曰此足更可履他人門乎舅姑窺其誠乃擇夫

兄子宏為後教之讀書久之宏卒二孫尚幼楊與媳黃氏約飭勵行不墜先業邑人稱雙節

李希周妻謝氏

監生余秀妻黃氏

廩生廖傑妻汪氏傑故汪二十三無嗣立夫兄子澗為後孀居六十餘年貧苦益甘厥後澗成立事之至孝汪因名之曰孟孝至今子孫蕃衍

黃淵妻高氏淵故高年二十有五撫男梗三歲誓死不他先年賊縱火延焚黃居值淵出外父柩停家同

室咸走高惟撫棺慟哭既而烈焰自滅鄉人咸稱

李寅妻宋氏寅蚤夭寅之兄暨嫂亦相繼夭宋僅依

叔妯為生踰三年叔歿宋與妯黃約節勵行居無何

黃邁疾卒黃子傑甫二歲氏鞠之如所生父母憫其

蚤寡諭再醮泣謝曰不念李家一綫之緒耶抱傑大

慟卒不可奪

姜自恭妻朱俞娘

庠士

妻李容娘年十九夫亡欲以歿殉其母

曰舅姑垂白待汝養孤方齒待汝養乃已孀居四十

餘年臨終囑曰我平生守節不敢一露面幸全歸諸

子婦親殮我毋假手他嬾人

朱建妻施烈嬪年二十四有殊色嘉靖辛酉歲賊擄烈婦欲辱之烈嬪觸石破頭罵聲不絕更擲石中賊賊怒擊烈嬪強劫再三竟不屈遂擊死之橫槊貫腹磔尸而去

庠士謝國徵妻何氏年十九徵故悲泣損一目事瞽姑盡孝撫繼子底于成年八十餘


黃燭妻余京娘
官異香失其夫名姑遣惡少闖入婦室欲併亂之異香度難以自完雉經死

王寵妻何氏年十五許配寵寵忽病瘋父母有他志氏固請于歸侍湯藥未幾寵死氏號泣欲殉賴家人隄防得免毀容匿跡雖兄弟亦罕見面

庠士廖士倫妻余氏年二十四而士倫卒割髮納柩矢無他志久之改葬復刺臂血以殉姑病祝天請代家貧辟纊課孤不事歸寧居常以烈女傳訓女女歸

李紹學學尋天歿痛哭數月亦嘔血而斃邑人哀之
王約妻廖足娘
張紳妻李末娘

右貞女
邵武府 邵武衛



皇朝

鄭玉妻黃圓娘

李榮妻黃妙端

邵武衛軍餘鄭玉妻黃圓娘

邵武衛指揮僉事李榮妻黃妙端榮邁疾百藥不效

黃割股肉為湯食榮疾隨瘳

閩書卷之一百四十五

閩閩志

漳州府

龍溪縣

宋

魯國太夫人崔氏

田家婦蔡氏

田家女陳氏

顏少保婦史氏

曾國太夫人崔氏蜀郡人知學能文少師黃公彥臣之妻初少師娶於陳贈陳國夫人生殿撰願再娶括蒼吳贈吳國夫人生大夫碩御史預頴同朝侍奉彩衣斑斕子壻刪定陳錫亦聯朝綴時人榮之頴偶以

閩書

卷之一百四十五閩閩志

一

弘

公過禡一官國太責之曰汝在官不懋穎皇恐拜謝
 預與婦翁諫議陳師錫同僚國太喜曰汝當知無不
 言以汝子婦翁為法預卒忤蔡京者國太誨之也
 田家婦蔡氏熙寧間人夫日與惡少游蔡涕泣諫一
 日夫携財物夜歸蔡曰盜矣諫止彌切夫竟不悛蔡
 私歎曰吾以吾夫行事先告於鄉里庶其免乎他日
 惡少敗夫獨免郡中士大夫為文美之
 田家女陳氏父病藥不能愈女年十五禱神剔肝父
 食遂療

史氏忠職王孫女顏少保之婦姑病憂形于色不離
 左右姑卒極其哀慟喪葬如禮景定初特封孺人號
 曰孝

右賢女

宋

謝家婦林氏

蘇宋傑妻王氏

林氏年十九適謝踰年寡以全節終嘉熙間宰趙絳
 夫守李韶碑於墓曰宋節婦

蘇宋傑妻王氏年二十一夫夭而王有身矣父母以
 家貧欲奪之王指腹誓曰男耶守男女耶守女父母
 怒絕其往來既生男不歸寧者七載壽八十五終

元

魏亦顏妻廖氏

陳端才妻蔡三玉

郭德明妻林佛奴

魏亦顏妻廖氏亦顏本莆人家龍溪未幾卒廖年二十四子方七歲時宇內驛騷扶姑携子轉徙村落間饑寒不給截髮自誓大德間旌表

陳端才妻蔡三玉時鄰邑盜起標掠鄉村端才與三玉父廣瑞各竄去三玉偕夫妹匿神祠中盜入殺妹見三玉美驅而納諸舟欲污之三玉給曰衣濡請予

善衣賊往取得間遂投江歿越三日屍浮依廣瑞舟側廣瑞移舟上流屍亦逆流而上如是者三怪而視

之則其女也事聞旌表復役給錢以塋

郭德明妻林佛奴夫死家貧父母欲有他圖佛奴不從至元中南勝寇作城中洶洶出走或勸佛奴行曰姑病何行已賊潰婦姑無恙至正間陳友定入漳亂兵執其孫惠佛奴抱持之刀斫其手乃捨之去

皇朝

長泰李德淵妻陳氏

康居祿妻黃五姐

宋史妻陳貞姐

蔡安繼室黃妙觀

丘孔文妻戴祐姐

吳可贊妻鄭順常

方本誠妻林淑清

王尚友妻劉柔

顏克一妻蘇機宜

莊士因妻李淑明

林瑞儀妻陳淑德

錡萬邦妻杜從正

顏士朝妻魏婉

涂華妻陳俞

徐于海妻韓氏

鄭濬哲妻林懿敏

蔡邦禮妻張氏

蔡顥舉妻鄭淑潔

王廷思妻涂氏

貢士莊同妻林淑瑤

舉人汪範妻顏氏

陳子容妻周氏

鄭景政妻林氏

楊常典妻趙氏

蔡朝靜妻鄭氏

黃衷誠妻朱氏

蔡子善妻林氏

陳景育妻黃氏

顏波妻鄭氏

陳文滔妻曾氏

陳汝賢妻蘇氏

王虞德妻黃氏

昌森妻蔡氏

蔡應魁妻洪氏

郭士侗妻陳氏

康光顯未婚妻徐烈女

黃二姐

霍通妻林氏

王從彝妻陳二娘

王嘉圍妻李氏 嗣婦 吳附

蔡一清妻黃氏

庠生黃弘妻鄭氏

顏曾光妻丘氏

陳漢鳳妻李氏

長泰李德淵妻陳氏年十九喪夫遺腹四月生男時

舅姑與夫三喪未塋陳艱苦拮据以克襄事子成立
陳壽終洪武二十四年旌門

康居祿妻黃五姐居祿卒時黃年二十六男昇方四
歲奉舅姑鞠孤子孝慈備至洪武丙辰夏五雨暴下
平地水高數丈居民漂溺黃升屋呼天水為之殺

宋史妻陳貞姐年二十六史卒姑欲嫁之入室自經
遇救得免以全節終

蔡安繼室黃妙觀安仕元為潮陽令道過家時陳友
定入漳大掠安被執與妙觀訣曰生歿未知汝可再

嫁答曰君薄妾甚矣剪髮示安後安果不歸妙觀以
節終洪武間旌門

丘孔文妻戴祐姐孔文暴歿戴年二十父母欲奪其
志涕泣不從母密受人聘戴聞投水歿

吳可贊妻鄭順祥年十九適吳未踰年夫卒將營葬
謂姑曰乞雙壙姑不從告其父母思而防之壙成飲

藥歿

方本誠妻林淑清永樂八年本誠以事逮入京歿焉
淑清年十八遺腹生女繼祖姑老且病勤勞奉養祖
姑沒田產悉為豪族侵奪乃抱神主携孤女依父母
家以居壽七十

王尚友妻劉崇

顏克一妻蘇機宜年二十寡自幼讀書以禮自持教
二子俱成立壽六十

莊士因妻李淑明夫死不嫁養姑無怠姑沒貧不克
葬正統間寇掠鄉里李衰麻慟踊盜憫之不入其家
寇平鄉人憐其節義助營葬焉

林瑞儀妻陳淑德嫁七月夫卒哀毀幾喪明事舅姑
盡禮以壽終

錡萬邦妻杜從正年二十二而寡家貧節縮事姑撫
子而自素食終身年八十

顏士朝妻魏婉

涂華妻陳俞夫卒男方晬家貧事舅姑盡禮人稱節
孝

徐于海妻韓氏年二十四夫亡生子昱甫七歲後昱
亦夭所生孫復歿韓年七十餘孤苦無歸鄉人_{哀之}

鄭濬哲妻林懿敏早寡撫孤姑性不能委曲事之

蔡邦禮妻張氏嫁三年夫故家貧孝養奉姑姑沒夫
族有謀害其子者乃携依母家辛苦三十餘年以存
蔡之門

蔡顥舉妻鄭淑潔夫卒年少父欲嫁之淑潔盡出奩

粧衣服返之終身不復歸寧

王廷思妻涂氏廷思父彝見閭巷孝子也涂事舅謹

至彝教諸孫女他日事舅姑當以涂為法年二十三

廷思卒停柩在堂溪水暴漲舅携孤避之涂不離柩

傍立水中一晝夜孀居積淚兩眼昏潰正統間旌門

貢士莊同妻林淑瑤

舉人汪範妻顏氏天順甲申會試範挈顏行是年塲

屋火範與其厄顏求夫灰燼中屍殮載南還

陳子容妻周氏讀書知大義年二十五夫亡守節課

子俊讀後俊以貢授博羅訓導弘治間旌門

鄭景政妻林氏年少守節教子奉姑六十六年如一

日孫慶領鄉薦

楊常典妻趙氏早歲孀居時流賊鄧茂七等沿掠鄉

村相戒不入其室

蔡朝靜妻鄭氏年十七夫亡備績撫孤母陰受人聘

斷指自縊得夫女弟救存之

黃秉誠妻朱氏秉誠歿於外朱年二十三聞計絕粒

數日歿

蔡子善妻林氏夫卒姑欲奪其志自刎歿旌門

陳景育妻黃氏年二十寡父母欲奪其志斷髮自誓

子國華娶韓氏方生子道元而國華亦亡韓同姑撫育及長娶婦魏生二子而道元又亡魏與二姑三世一節俱以壽終

顏波妻鄭氏年少夫亡舅姑繼沒一門五喪罄產殯葬以壽終嘉靖十四年旌門

陳文滔妻曾氏

陳汝賢妻蘇氏

王虞德妻黃氏夫歿喪居閨棧嚴肅鄉族以為楷範年九十一

昌森妻蔡氏夫亡無子哀毀盡禮坐卧不離板傷隆慶間夫將就葬治酒食請姑及母若訣別者及至葬

所周視壙中完備密出袖中剃刀自剄于墓側挺立不仆時面蒙孝中人弗見狀及血近哀外視則

歿矣

蔡應魁妻洪氏適三載夫沒遺腹生男與姑相依姑沒喪葬盡禮自孀居後不足外家之門

郭士侗妻陳氏歸二年偶卒遺腹生男復殤妹適于

謝其夫亦沒以柩舟相勉及病却藥歿年三十二

徐烈女父侯許聘康光顯久之殤時徐年十五執聘

釵奔喪父農夫也莫解所謂女曰釵婦盟也入門抱

夫魂帛哭奠如禮坐卧柩側三年將殯密治殉衣一

日自縊歿萬曆間旌表

黃二姐庠士元陽女許配林舉人子林嫵黃貧別娶

張二姐沐浴更衣歿父柩之旁萬曆間旌表

霍通妻林氏通外歿計至號哭欲絕人勸曰娠臨月

當少俟領之已得雄數月柩至于北郊往哭之還乳

兒謂其夫弟曰嫂適暈暫寄兒小郎隨闔戶投

縊歿

王從壽妻陳二娘以烈殉萬曆二十六年旌門

王嘉園妻李氏嘉園故李年二十二立夫兄子瑱為

後瑱聘吳伯達女三姐未婚而病三姐減齡密禱瑱

衣衰服奔喪值李有疾侍湯藥旬餘密製殉衣李稍

愈即自縊解纜端立其色如生時年十八萬曆中旌

門

蔡一清妻黃氏萬曆中旌表

庠生黃弘妻鄭氏

顏光曾妻丘氏

陳漢鳳妻李氏鳳盲一目其一亦微聵李事之甚恭

已染風癩不可近李朝夕湯洗漢鳳歿小祥後托言

歸寧別諸老幼退自縊房中萬曆三十八年也年方

十九

右貞女

閩書

卷之三十三 閩閩

九

李

漳州府

漳浦縣

唐

勤自勵妻林氏

勤自勵妻林氏天寶末自勵克健兒隨軍安南及擊吐蕃十年不反林父母奪其志嫁與人其婚之夕而自勵還聞不勝忿出其破吐蕃時利劍伏詣婦家行且至屬暴雨天晦電光爛爍見道左有空心樹入避之少頃前聞有呻吟來者捫之婦人也問姓氏云妾林氏女夫勤自勵從軍未還而父母迫嫁我我不從即後園桑樹自縊為虎所取幸而遇君當能相救自勵曰自勵我是今夕還矣不聞此言幾失賢妻泣而告之故有頃虎追妻至自勵出其吐蕃劍刺殺虎又一至又殺之

宋

李氏

王太孺人

李氏雲霄人以詩名其姊大李亦能詩與相唱和也有汲水書懷二詩汲水詩云汲水佳人立曉風青絲輓盡轆轤空銀瓶觸破殘粧影零亂桃花滿井紅書懷詩云門對雲霄碧玉流數聲漁笛一江秋衡陽鴈斷楚天濶幾度潮來問過舟

王太孺人吳與之母也與為懷安令太孺人迎侍居官舍日緝綴絲枲為女工與即廨中治亭宇植花果幾樂太孺人太孺人乃不改素工與固請太孺人曰吾少而治之如吾兒治公事之外更復讀書何間然也太孺人自與初官時即戒以事君臨民大節令其勤公潔已移孝於君慎無貪躁貽母耻辱與學有所造所至必保清譽為福於民太孺人有力焉

右賢女

元

高歌妻阮二姐

高歌妻阮二姐歌家貧讀書年二十卒以貧故頓極

北關外父之外姻竊用火化阮駭聞奔往痛哭拊心

遂投烈焰歿

皇朝

許惟長妻郭貞姐

王緒妻蔡氏

林聰妻陳氏

徐循介妻陳氏

林琥妻陳氏

涂毅妻林文姐

楊氏

舉人徐輔妻林氏

婦周氏附

張品妻陳妙姐

鄭承惠妻黃楮

程嗣袞妻王京女

鎮海康起鳴妻陳氏

沈同訓妻許氏

施君蓋妻陳清藻

陳類妻徐氏

詹澣妻陳氏

張冠期妻朱氏

蕭哲妻黃氏

吳貞姐

王大景妻蘇大姐

林作惠妻郭氏

陳纘妻程氏

劉養大妻陳氏

蘇可教妻胡氏

鄒大澤妻許佳娘

庠士沈汝棟妻劉氏

許惟長妻郭貞姐手患痼疾許氏父母欲悔之惟長

曰誰復娶者入門事舅姑孝敬備至未數月惟長卒

父母徇俗火葬貞姐俟火烈遂投灰鄉人義之共爲

之墳

王緒妻蔡氏

林聰妻陳氏少寡守二子有暴隣凌轢之乃悉棄田

宅歸依母兄家母兄勸之嫁不從徙匿荆棘中拾斷

穗採草根爲食長子忽病目盲陳呼天叩禱目復如

初後子成立子孫多以文學甲科顯

徐循介妻陳氏

林琥妻王氏年二十七夫亡慟不欲生姑曰高堂垂

白遺孤未長久而置此豈謂慈孝乃惟命後壽九十

詔書旌門子文貢博士孫偕春見縉紳

風書
卷之二十四
三百廿一
涂毅妻林文姐

楊氏嫁李氏子夫亡義不再適正統寇亂被獲至南馬場欲犯之罵不絕口歿

舉人徐輔妻林氏輔北上道卒林撫孤藻及長娶婦周而藻又歿遺孤棟甫三歲姑婦矢志白首相依嘉靖四年邑令鄞禧上計表奏于朝詔旌門曰雙節及禧計還林已歿親旌周門周皤然跽謝曰寡婦之有今日先姑之教也令改容禮之

張品妻陳妙姐嫁踰年夫沒舅姑欲嫁之以歿自誓一日偶拾夫金圈悲不自勝遂飲毒歿邑人葉豐爲賦梁山高

鄭承惠妻黃楮以歿嘉靖二十一年旌表

程嗣袞妻王氏以烈殉

鎮海康起鳴妻陳氏以烈殉嘉靖二十一年旌表

沈同訓妻許氏嫁三月以烈殉歿三日屋出汗如雨

聞者異之嘉靖二十八年旌門

施君蓋妻陳清藻以烈殉

陳顥妻徐氏以烈殉

詹澣妻陳氏以烈殉

張冠期妻朱氏嘉靖季倭寇攻埔尾城冠期登城禦

賊被傷歿朱立縊殉

蕭哲妻黃氏年二十六夫卒舅姑令其改適已受聘矣黃懇于姑曰亟還聘歿不入其門姑怒詈之夜負週歲女自投於汪

吳貞姐年十五未配嘉靖初海賊突至與其父可法俱被擄上船欲犯之唾罵不從賊曰我欲室汝携首飾置前強之櫛緹女曰父在別船當聞父賊移船近父遂跳入海屍浮水面數里不沉鄉士民咸祭之江

許

王大景妻蘇大姐嘉靖季避倭鎮海衛饒賊襲陷衛城蘇扶姑出走被執忿罵中刃歿賊還家人殮之面色如生

林作惠妻郭氏年二十八夫亡誓以歿殉家人謹防之及葬白姑曰請視墳許之拜哭盡哀投墳蔭潭中歿

陳纘妻程氏纘客歿高郵程年二十有八計至號慟幾絕成服拜舅姑畢以其舅氏托姆氏曰歿有日且就寢視之則歿矣有司上事旌門

劉養大妻陳氏年二十四夫卒遺孤五月卽欲身殉諸母曰如舅姑與五月子何乃已亡何盜起鄉人竄

避陳以死衛柩盜亦尋他之舅姑歿拮据喪葬至其
訓孤不獨任慈曰所以哺子人飴我茶人乳我血後
子庭蕙成進士賜旌門

蘇可教妻胡氏年二十二可教應試溺死胡求得其
屍手沐以殮時遺孤民俊甫六月忍死撫教後民俊
成進士賜旌表

鄒大澤妻許佳娘以烈殉
庠士沈汝棟妻劉氏以節終

右貞女

漳州府龍巖縣

皇朝

張六一妻連新玉

查福隆妻江真奴

張仲子妻蘇勝金

寧洋楊希白妻葉妙玉

蔣二姑

吳從學妻丘五姑

翁汝貢妻陳氏

諸生張鳳翼妻黃寬姐

蘇秉文妻蔡了姑

張六一妻連新玉六一歿子方八月家貧姑惡負薪
於道日謹事之姑感而慈焉歲大饑姑曰不能兩存
莫圖便否終無他意以壽卒

查福隆妻江真奴年十九夫歿遺孤二歲因夫舊業

製扇目給人微諷江嚙指出血指扇自誓永樂間知縣徐拱辰詣廬禮之

張仲予妻蘇勝金

寧洋楊希白妻葉妙玉夫死家貧辛勤奉姑非大故不輕至父母家

蔣二姑庠生守女也許聘丘鋒逮請期鋒疾革白父母曰忍不往視父母難之固請行入門鋒目之一為舉七粥乃絕二姑慟哭幾盡上堂拜尊嫜曰終為婦矣立兄鏹子為嗣以壽終旌門

吳從學妻丘五姑歸再歲夫病革與訣許以死既沒出嫁時衣飾盡散所親曰寡不可飾越二日自盡

翁汝貢妻陳氏汝貢歿撫遺腹子已生孫矣而又歿復撫孫底于成

諸生張鳳翼妻黃寬姐鳳翼疾革寬姐取一錢中剖之半繫鳳翼之襟而半自藏曰他日地下當作完錢夫歿子復殤舅姑相繼淪沒因取姪字之嘉靖季為流賊所擄受刃不屈賊義釋焉以壽終

蘇秉文妻蔡了姑年十八夫亡罄鬻服飾為喪具葬畢盥櫛更衣托姑于伯氏家人懼而防其自盡也遂服藥歿

右貞女

漳州府 南靖縣

皇朝

李吼子妻杜氏

李吼子妻杜氏家赤貧奉姑至腆嘗與夫上山採筍
虎攫之杜追及拔其尾斫其背虎為舍去負還復生
鄉里咸驚異

右賢女

元

戴氏張氏

戴氏張氏俱吳氏婦也戴姆而張姆戴夫卒遺孤一
姑欲更之誓不從已姑卒張之夫亦卒諸母復欲更
張張曰他日吳氏之門有姑與叔在戴氏姆尚必不
更今其兄弟相繼淪沒諸姑僉幼可與姆同艱而不
與同誼時元季喪亂父子兄弟離析二婦與諸孤相
保無恙時謂天實祐節

皇朝

林輝祥妻黃坤貞

陳欽成妻黃瑛玉

陳宗妻柯氏

許應鴻妻蔡氏

林伏豸妻陳氏

陳江妻杜氏

皇朝

卷之四百四十五

三

林光

王良佐妻陳氏

陳文閑妻盧氏

陳泰妻林氏

庠生王維垣妻楊氏

李碩果妻王三姐

邑訓導曾安邦妻孫氏

吳應魁妻陳氏

鄭宗奇妻陳氏

林輝祥妻黃坤貞早寡堅志育子性聰以鄉薦起家黃壽七十一成化間旌表

陳欽成妻黃瑛玉

陳宗妻柯氏年二十四夫亡遺五孤兒柯上事姑下

撫兒後以子昂貴封太安人賜旌表

許應鴻妻蔡氏

林伏牙妻陳氏夫歿寡守姑病癰口吮之及舅姑歿家有九喪拮据萬狀全歸窶安

陳江妻杜氏年二十四夫亡夫妹亦寡杜迎于家與

之同義俱以節聞杜壽八十九

王良佐妻陳氏正德八年流寇劫掠鄉村陳潛身遁至深渡賊猝至度不免赴河歿後以子命爵貴贈太

安人

陳文閑妻盧氏夫歿苦節自持隣火姑柩在堂盧拊棺大慟欲與俱焚火忽滅所居無恙

陳泰資俸妻林氏泰孫茂馨妻許氏林年二十八夫

沒長男漢甫九歲次湍在孕剪髮自誓撫育成立嘉
 請四十一年湍應貢郡城饒賊陷縣林年九十四病
 不能起獨茂馨與許氏及曾孫女二姐侍側不去賊
 至許度不免泣辭茂馨曰吾與吾女義不受辱祖姑
 老矣汝可扶去遂投井歿時二姐年方十四茂馨後
 以貢為校官隆慶初旌表

庠士王維垣妻楊氏嘉靖季饒賊陷城與夫相失被
 執不污罵賊歿

李碩果妻王三姐年十七歸李未及二年倭寇至被
 擄即投河歿知縣設伯固為文吊之

邑訓導曾安邦妻孫氏曾鄴都人也孫年十六歸訓
 導為繼室嘉靖季賊圍城急孫言于夫曰君儒官也
 非有民社寄脫不測願自愛妾則有歿城陷賊執訓
 導刺之孫即赴火歿其子三俊哀號伏地賊為感動
 訓導得免事聞撫按給厚資與歸葬

吳應魁妻陳氏

鄭宗奇妻陳氏年十八而寡節操凜然所坐室前株
 梅白雲時繞冬有青萼壽八十

右貞女

漳州府 長泰縣

皇朝

蔡德和妻林氏

蔡德和妻林氏幼時家稱為孝女迨歸德和家赤貧
忍飢餓以養舅姑舅染疾隆冬思筭多方供具姑病
瘥當澣衣久雨乏薪身煥之繼病癱親為吮舐及不
起泣血幾絕後德和坐罪罹獄不食十餘日必夏
月飛霜鄉人哀奠者數百

右賢女

皇朝

黃伯英妻雍氏

蘇會嘉妻陳氏

楊佳任妻張氏

鄭鴻澤妻詹氏

黃伯英妻雍氏早寡孝養舅姑嘗携舅向水磨磨豆
鄉約以次為序有廖仲絃後至而奪之麥入磨磨不
旋絃曰水弱也益堰水激磨水下如雷不旋如故眾
驚訝趣絃出麥而下雍豆腐旋如初咸詫為節孝所
感洪武二十六年旌門

楊佳任妻張氏喪夫時年二十三遺腹甫四月泣血
不食絕復蘇生男恋艱鞠育後壽至百餘歲

蘇會嘉妻陳氏宣德中夫隨使者封夷王溺海死陳
紡績奉舅姑撫遺孤以壽終

鄭鴻澤妻詹氏孝事舅姑嘉靖季倭寇充斥詹謂諸婦曰儻見擄有死賊至抱一子坐田間賊奪子劫使行詹唾罵不顧抽刀刺之相與嘉歎其節因舍子寘近村得全活

右貞女

漳州府

漳平縣

皇朝

陳輔繼妻杜氏

陳如玉妻張氏

陳輔繼妻杜氏

陳如玉妻張氏

右貞女

漳州府

平和縣

皇朝

李氏姑婦

庠生張淵妻戴氏

張國材妻李氏

張志穆繼妻林靈金

張鳳妻潘氏

朱明妻曾氏

庠士陳士選妻吳氏

李廷仰妻戴氏夫卒遺孤思賢撫教之長入邑庠申歲而殂婦張痛夫堅餓以死其子正心方七歲戴復撫之至于成人

庠生張淵妻戴氏年二十五夫亡無子舅姑憐欲嫁之憤泣赴水以救免足不踰閭雖子姪稀見其面

張國材妻李氏年少夫沒姑老喪明懼無所依李善事姑矢同存亡

張志穆繼妻林靈金生子六歲而志穆卒姑逼嫁之至箠楚竟不易志撫其前妻一女二子如已出後姑

卒哀毀盡禮躬為營墳并葬前妻及三子成立友愛如一出

張鳳妻潘氏

朱明妻曾氏

庠士陳士選妻吳氏年少守寡善事繼姑姑性饒急獨能得其懽心撫一子繼儒業

右貞女

漳州府 詔安縣

皇朝

陳養望妻吳英姐

許榜妻林月娘

庠士胡士麒妻鍾尾娘

孫氏娣姒

陳養望妻吳英姐夫歿未卒哭自經柩側令吳桂表之

許榜妻林月娘

閩書

卷之三十五 閩閣

七

庠士胡士麒妻鍾尾娘舅姑先喪事祖姑以孝聞士麒教讀于外病革鍾往視之竟歿賃舟載歸蓋棺潛入卧内自縊

孫信妻張氏孫价妻湯氏信价兄弟也俱業儒信歿張欲從之為父母所持未得間亡何价以哭兄亦歿湯語張曰吾二人從夫九原矣張然之湯屢縊家人覺而解亦且屢歲十一月二婦從俗拜讖畢人曰嫁乎曰然必同室人莫測也張有女先以囑隣人遂同浴洗結衣自斷其帶各懷夫遺書一所照鏡一共懸一楹而自盡萬曆中旌表

右貞女

漳州府 海澄縣

皇朝

柯三娘

柯三娘父乾恭僅生三女長次俱適人三娘及笄父為擇壻辭曰請侍養父母曰贅我家侍養適人兩得之三娘曰能分女孝非願始也至咬指出血截髮垢面父母乃弗強父母沒哀毀盡禮衰經未嘗去身服除年未四十也諸母謂曰今可適人矣三娘泣曰若欲適人者適已久年七十七卒其夕有黑雲繞宅久

之漸散

右賢女

皇朝

林瀾妻陳氏

黃顯妻魏氏

蘇鴻節妻曾氏

阮紹煌妻李義始

郭四娘

郭瑄妻陳氏

吳廷輿妻鍾氏

柯喬清妻李氏

周應泉妻林氏

周氏二婦

南詔郭千戶三節

林瀾妻陳氏適三歲瀾卒生男纔一歲陳誓死不嫁如染疫病篤陳日夜侍湯藥亡何姑沒俗忌疫不敢

哭陳哀奠如儀竟與孤子俱無恙以壽終有司表門

黃顯妻魏氏顯臨沒魏斷指與訣後翁姑俱死于疫

躬殮如儀不避凶厲享年八十九

蘇鴻節妻曾氏年二十夫亡父母強之再適擲石為

誓不復歸寧請于舅姑立嗣以全節終

阮紹煌妻李義姑夫歿斷髮誓志以壽終

郭四娘父明先許劉運復甫笄運復得疾四娘減食

毀粧亡何計至告父母往殉之父母防護甚密歷五

日乘間歿嘉靖三十八年也

郭瑄妻陳氏夫歿家貧罄資殯殮尋值凶荒減餐養兒時時哀慟泣血至于喪明人義而哀之

吳廷輿妻鍾氏

柯喬清妻李氏喬清客歿饒李聞訃哀慟絕食者七日時孤挺尚幼課之力學竟用挺貴封孺人以壽

周應泉妻林氏泉以儒士赴省試溺歿林痛哭求屍不得坐卧一席地淚漬數磚久之隱隱有血跡子尚

德萬曆辛卯鄉薦

陳氏洪氏學正周一陽子婦也陳氏者長子學樂婦

洪氏者次子學射婦二氏並孀奉事舅姑勤儉持室一陽清脩學古一婦永玉相映時論美之洪氏起元

舉萬曆進士

南詔千戶郭泰妻陳氏夫亡遺腹生子繼繼繼撫育繼長生子良弼未襲職而歿良弼子藩襲職未幾又

歿良弼妻馬氏藩妻許氏與祖姑陳氏守志同其永潔人稱異之

右貞女

漳州府

寧洋縣

皇朝

吳從學妻丘五姑

閩書

卷之百五 閩閩

古

仁

吳從學妻丘五姑嘉靖間夫卒為立後處分已定遂自引決時年十九縣上其事致與立碑

右貞女

漳州府 漳州衛

皇朝

百戶徐繼妻王氏

百戶徐繼妻王氏夫亡無子妾鍾有娠已生男王撫如已出事姑李三十餘年小心敬愛家有四喪皆舉而葬之嫡庶相守至沒齒

右貞女

漳州府 鎮海衛

皇朝

陸瓊妻陳氏

陸鰲千戶林華妻莊氏

郭道妻蔡氏

應襲指揮桂蕃妻張氏

張氏

鄭洪顯妻魏氏

林裕妻陳氏

鄭加猷妻陳氏

陳應科妻黃氏

林可貞妻游氏

衛學生陳基妻黃氏

黃氏姑嫂

翁瑞夫妻林氏

朱氏四烈

吳志豪妻陳氏

生員朱鐸妻戴氏

蘇氏

陳維妻林氏

諸生黃龍妻吳尾姐

朱良賢妻黃阿姐

鄭彥明繼妻何氏

張舜化妻涂氏

陸瓊妻陳氏年十九嫁瓊未幾瓊卒舅以室隘移柩山陬陳請置卧內不聽明日往視柩大慟曰我在也夫暴荒野歸自經死

陸鰲千戶林華妻莊氏以烈殉

郭道妻蔡氏以烈殉

應襲指揮桂蕃妻張氏蕃為父奏事于京途卒張年二十二千方在乳哀毀守志坐卧一小房人罕見面以壽終

張氏千戶明次女也衛指揮王瑤有二子長聘桂次聘張未幾長子死悔張盟以次子婚於桂明往瑤家欲與死閩女私謂母曰慕富人情也我家貧乏何往不見棄勸父勿以女故重自傷因潛閉戶自經死

鄭洪顯妻魏氏以烈殉

林裕妻陳氏

鄭加猷妻陳氏嫁七月夫死絕粒八月而亡

陳應科妻黃氏嘉靖季饒賊陷城黃適歸寧父家父命與俱逃嘆曰賊盈城逃焉往賊至攻撤其門黃義

不受辱投井死而其母繼之
林可貞妻游氏被饒賊擄繫行至天尊堂遇井即投
死

衛學生陳基妻黃氏饒賊陷城基持刀與鬪賊格殺
之黃投井死

生員黃師文妻朱氏涂文妻黃氏姑嫂也嘉靖辛酉
饒寇之難同被執俱投井死

翁瑞夫妻林氏被賊執不屈抱子投井死

朱簧妻蕭氏同妯娌許氏蔡氏張氏知寇亂不勉其

繩連縊

吳志豪妻陳氏聞寇陷城先投井死

生員朱鐸妻戴氏扶姑避賊遇賊欲繫之罵曰吾頸
可斷不可繫賊怒斫之并欲殺姑戴負重傷翼蔽姑

曰寧殺我賊義並釋之出城復遇倭寇不屈如初遂
見殺後五日家人收其屍色生如生自陳應科妻至

此皆遇饒寇之難者

蘇氏遇賊罵不絕口賊支解其體

林氏戶部郎林文煥孫女也年十八適陸鰲所人陳
維事舅姑孝二載維亡無子林懷繩於腰伴托登樓
自縊而死

諸生黃龍妻吳尾姐以烈殉

朱良賢妻黃阿姐

鄭彥明繼妻何氏年二十適鄭三載夫亡撫前子若
已出舅憐其寡給銀四十兩為資用何俟孤十六歲
付之封識宛然孫爾相以歲薦仕祁陽知縣
衛軍餘張舜化妻徐氏以烈殉

右貞女

福寧州

宋

黃楫妻徐氏

楊孝寧妻徐氏

黃楫妻翁氏有刲股之孝子沐之見縉紳

羅氏母年過百歲淳祐元年特封孺人勅有司歲時
存問以厚風化

楊孝寧妻徐氏年十九夫亡守節誦佛經自號無任
道人逾五十將逝留偈云五十年來一夢中臨岐撒
手疾如風鐵牛掣斷黃金索踢倒虛空事一同
元

張義婦

張義婦者本鄒平人李午妻午同從子零戍福寧午

閩

閩

七

昇

客死張力作養舅姑凡四割股療其疾舅姑及喟然
嘆曰夫死千里外不能歸骨舅姑在也舅姑歿矣猶
不獲歸奚以生為卧水自誓曰夫骨能歸終不凍死
月餘不死鄉人驚異相率贈之張書事衣背且行且
丐闕月乃至見零問夫葬處則荒莽莫辨矣張哀
號幾絕忽午憑童子發狂言將死時狀且曰西郊夫
人橋我葬處也張啟視得之持骨祝曰誠妾夫也入
口當融如雪黏如膠已果然有司上其事請給復使
零護喪歸至正間旌門

皇朝 周墀妻丘美娘


周墀妻丘美娘年三十四墀死家無十金親操井臼
勤儉無至日課五兒讀書孟君澤年八十二仲君濟
年八十六叔君授年八十二季君聘仕瀋山丞年七
十八五世同堂丘九十六卒衰杖之男皆龐眉鶴髮
人稱間見

右賢女

宋

建陽朱填妻翁壽安 鄭貞娘

丘腴妻葉氏



建陽朱填妻翁壽安二守達觀之女填文公六世孫也爲長泰令任甫三日以公事入郡寇卒起攻縣城填不得歸城陷翁方盛年二女及笄有美姿度不能免因戒女曰女尚貞潔義不可辱長女先赴井次女繼之翁引刀自刎賊相顧駭嘆因全其子鎬焉

鄭貞娘父日靖兄君老貞娘少端莊不妄言動未笄許嫁里人林森德祐元年元兵南下兇徒四起一日寇至貞娘懼見污取剃刀自刎已死仆手刀甚堅時君老在外亦被賊傷及甦而歸見貞娘死悲哀而殮之乃舒手釋刀人咸異焉

上腹妻葉氏事姑以孝諸婦有讒葉者姑始疑之迫姑病諸婦無憂色葉朝夕不懈怛然以憂姑感其孝以子允貴贈郡夫人

元

孫氏

林福使

林克威妻陳氏

孫氏福建宣慰都元帥陳端孫妻也端孫作鎮福清拒陳友定中流矢墜馬被執見殺孫氏曰吾夫死國事可獨生抱女投井死

林福使父天成爲袁天祿叅謀天祿擁兵屠其家福

使未嫁天祿悅之驅以行女唾曰賊耶賊耶殺吾父母恨不能手刃汝尚從汝耶天祿怒斬之

林克威妻陳氏者福使嫂也家被袁天祿屠戮扶姑抱子走匿山谷後潛往母家収克威家遺骨葬之時年方二十有四母憐其少微諷使改適泣曰禽獸不為也養姑撫子八十三而終

右貞女

皇朝

林羨之妻鄭佛奇 楊収妻林氏

張文妻施妙錦 王選妻鄭細娘

黃坦妻連婉娘 舒祥妻陳氏

尤進妻李星娘 丁相妻莊玉娘

林源妻周催小 張翊妻方氏

高紀妻張妙珠 王滿妻鄭賢娘

彭煥妻卓氏 應惟進妻陳妙緣

王淮妾張氏 楊橋妻徐女孫

鄭道保妻王氏 楊塾妻葉氏

柳森妻張婉娘 李門三節

生員林術妻周瑛娘 鄭龍妻李息娘

顧氏雙節 庠士周文昌妻熊招娘

趙璧妻馮氏

林澗妻煜娘

杜妹懿

曾羅蓮

胡鍾妻楊氏

張欽妻夏氏

翁茂椿妻林珠娘

投水四婦

庠士張璋妻趙壽娘

王思仁妻吳氏

周文國妻陳氏

庠生尹應節妻周坤娘

盛抑妻林氏

庠生張應宿妻王氏

王良仕妻葉織娘

林羨之妻鄭佛奇

楊叔妻林氏

張文妻施妙錦

王選妻鄭細娘選亡母憐其少令改醮鄭磕頭流血

誓歿抱夫兄子贊為嗣携父家撫養為其娶婦遂有

曾玄詔書旌門

黃坦妻連婉娘年二十坦卒子鑄生而瘖或勸之曰

青年守志恃有子也子瘖奚恃曰當使不瘖於心遂

延師教之鑄長竟綿黃氏之脉正統十三年建寇犯

境盡輸儲粟以餉師人曰丈夫哉

舒祥妻陳氏家貧無子依夫姪以居每不能舉火忍

飢無悔年六十餘卒

尤進妻李星娘

丁相妻莊玉娘

林源妻周催小源早卒舅姑長子淪沒留一幼子滕
催小力營葬四喪延師教滕後滕通書史善詩工古
篆生子文盛文孟以士行稱

張翊妻方氏

高紀妻張妙珠紀卒貧苦立門戶教諸孫以書曰人
不讀書便是虛生一世年七十二卒

王滿妻鄭賢娘

彭煥妻卓氏煥以一子家貧伯叔欲奪其志絕其薪
水既不爲動拾薪易米紡績度日年七十卒

應惟進妻陳妙緣二十四寡僅一子舅姑十分出業
并白金四百已子亡伯叔欲嫁之陳出田遺金求全
其節

王淮妾張氏臨清人淮卒于官僅遺一女張年十九
侍生母薛氏南還獨處小樓不與人接服滿父自臨
清來薛惜其少令諷更嫁矢志不從有郭都司浼沈
指揮求聘張詎詢之尋自縊得救而蘇事薛如姑苦
節五十年以壽終

楊橋妻徐女孫

鄭道保妻王氏

楊塾妻葉氏

柳森妻張婉娘森疾篤割臂和藥不效一子甫兩月力苦自持中年子沒撫二孫底成立孫媳張采娘孝事之

李門三節李材妻鄭氏年二十三夫亡遺腹生子娶于周其孫娶于楊子與孫相繼歿鄭撫周楊二婦孀居不貳

生員林術妻周瑛娘

鄭龍妻李息娘夫卒子甫兩月誓志不二男七歲殤息娘拊屍大慟自經而歿

顧氏雙節其姊曰葉鴻妻其妯曰張應妻

庠士周文昌妻熊招娘嫁三載文昌歿招娘斷指自誓居四年有謀委禽者招娘大慟圖自經不獲入赴井歿嘉靖初旌表

趙璧妻馮氏

林澗妻吳煜娘澗疾革無子囑他適吳泣曰妾恨不同歿直以堂上二老姑耳遂取夫從子梁為嗣事二姑並八十餘吳年七十六詔書旌門

杜妹懿字淑貞年十七從母避賊走海岸上賊追急

恐見汚遂投於海中鹵淖沒曾舉手與母別奮躍及深而死

曾羅蓮許聘包氏子填包家日替父滋不悅既填歿喜曰吾女脫苦矣羅蓮泣曰兒雖未行父當往吊父如言往包而羅蓮歿矣

胡鍾妻楊氏

張鈇妻夏氏

翁茂椿妻林珠娘

投水四婦嘉靖末倭寇盡驅男婦入舟有投水四節婦其一楊文進妻尤氏其一楊景賢妻官氏其一卓永舟妻敖氏又其一不知其姓

庠士張瑋妻趙壽娘

王思仁妻吳氏

周文國妻陳氏

庠生尹應節妻周坤娘

盛抑妻林氏

庠生張應宿妻王氏

王良仕妻葉織娘

右貞女

福寧州 福安縣

元

黃汝大妻胡淑娘

黃汝大妻胡淑娘孝養舅姑夫卒年二十三育其三歲子應延誓志孀守邑被寇且旱荒出粟百餘石賑之橋梁圯廢輒捐貲營造縣為立經濟坊

右賢女

元

劉氏女

劉氏女至正間大安社掠鄉村有袁安女者貧而女大罵安文怒擊之幾死乃捨去

皇朝

吳得珍妻陳四姐

趙德謙妻陳氏

吳龜妻黃氏

李宗妻陳氏

陳門四節

鄭繼宗未婚妻詹月娘

黃富妻上官氏

鄭紹雋妻林閨秀

鄭仁九妻謝蘭娘

陳伯昌妻鄭氏

郭門三節

黃必高妻羅巧娘

黃均妻林貴娘

趙佛祐妻劉氏

郭文脩妻鄭氏

陳公旺妻林氏

趙琳妻詹氏

王時習妻張聚娘

劉元熊妻詹氏

劉廷輿妻陳氏

同時九婦附

繆氏雙節

吳得珍妻陳四姐得珍蚤卒陳撫七歲孤不他姓伯氏素狠欲奪其田固勸改適陳泣不從後揣知伯氏意不善乃手書先世產業一紙匿之故籍中削髮為尼伯氏又逼之遂投溪歿隣里皆為嘆腕而郡邑未之聞也成化十九年伯氏孫仍奪其孤田孤簡故籍申得母手書訴於同知馬迪為剖析之陳之貞烈始白于世

趙德謙妻陳氏

吳龜妻黃氏

李宗妻陳氏善事舅姑敬夫如賓一子二歲夫卒舅姑憫陳少自誓曰如今改適寧賜一索陳門四節張氏陳景深繼室也景深娶張有前妻子二歲恐張弗愛寄之他所張詢知亟取以歸後生二子愛撫如一景深歿張矢志守節而景深侄鏡妻林氏侄孫清妻林氏元宗妻高氏皆年二十餘守節鄭繼宗未婚妻詹月娘年十四聘繼宗一年繼宗歿月娘聞計即欲歸守服父母不從自是服喪三年卒不嫁平居孝友慈愛年六十七卒

黃富妻上官氏夫死無子富民艷其美欲娶之時方應役乘勢訟于官伏轎夫於儀門俟其出即強昇以歸上官素袖刃自備出儀門見勢不可脫即抽刀自割眾皆駭散家人扶歸救治得不死松溪知縣陳槐以事至縣聞其事躬臨慰勉仍為傳贊士夫皆有詩表之

鄭紹雋妻林閨秀夫死子甫二歲外家逼奪誓不改適家遭水火窘甚紡績事舅姑舅姑病篤籲天減壽及相繼亡假貸殯葬壽九十一

鄭仁九妻謝蘭娘夫卒無子舅姑早喪竭力殯葬父母憫其少且貧受陳氏聘蘭娘將赴江自溺奔救乃免八十四卒

陳伯昌妻鄭氏年十四遂能割股療母病父本教鄉塾鄭聞父教晰大義擇得伯昌以歸之祖姑老病侍湯藥不懈夫卒子元映六歲元曙方晬誓志苦節喪事類仍罄奩為給以孝經論語授其二子及長伴學詩禮俱入仕初寡時賴夫弟增同財共爨百斤支持克成其節

郭門三節郭德元妻趙郭景克妻劉郭景端妻余三婦志節相砥礪並以壽終

黃必高妻羅巧娘

黃均妻林貴娘

趙佛佑妻劉氏

郭允脩妻鄭氏

陳公旺妻林氏

趙琳妻詹氏

王時習妻張聚娘

劉元熊妻詹氏

劉廷輿妻陳氏嘉靖末與夫及姑為倭所掠語夫曰

妾死不足惜君母子奈何乃給賊以身為質脫廷輿

與母歸取贖金廷輿母子出稍遠遂自刎同時遭倭

變而著節者又有臨亨訓導繆思恭妻林氏阮承祖

妻楊宙娘王崔女盛娘自刎死生員陳時表妻趙氏

携二子赴火死寡婦陳國祉妻郭氏自經死陳九思

妻劉錦娘郭守元妻李氏郭理妻不知其姓皆罵賊

死又有一婦下裳繫束首斷于床

右貞女

福寧州 寧德縣

唐

周書

卷之三百五

閩閩

十九

二百五九

黃岳妻林氏 林廿五妻謝氏

黃岳妻林氏岳見韋布不受偽閩之辟投淵而歿林曰夫能為忠臣妾不能忠臣妻乎亦投淵從之林廿五妻謝氏始自澤頭徙感德場所治之陽家於斯葬於斯矣會偽閩升場為縣有逞其私者謀建柩門將沒廿五居而夷其墓謝方新寡襁其幼子徒步四千里赴汴京坐肺石三日得訴符下所部俾勿壞庶訪使孫澤撰墓碑極稱之

宋

陳晏妻丘氏 宋氏女


陳晏妻丘氏慈孝好義姑病篤刺血寫經為姑祈庶姑果感夢而愈時出私財給施囚徒建州葉儂未作賊時稔知丘孝行建炎間作賊犯境戒其徒曰勿焚蕩丘家勿戮其親屬驚動孝婦古田洋杉有避寇者奔入丘家賴以全活縣西一帶免罹兵火其後孫言應元應俱登第

宋氏女事父母以孝聞有司立坊表異

皇朝

貢生薛旭妻黃氏 林胄妻彭氏

林文輅妻陳氏 林元魁妻陳氏



知縣左承芳妻陳氏 陳鸞妻倪氏

徐傳妻鄭氏 庠生左守貴妻彭氏

貢生薛旭妻黃氏事舅姑孝謹處姊妹恭敬旭兄弟
六人作室未成計所需當人出十餘金以足之兄弟
念旭貧欲代為費黃語旭曰他日子孫群聚倘有言
及費出兄弟者君之子孫將何以對借貸克之人稱
其識


林胄妻彭氏年三十二胄亡理家教子嶄然有法宗
族窘乏傾囊相濟有假貸不取息大雨水里多漂溺
生者調之死者瘞之垣屋傾壞者助脩之年七十五
病革取貸券盡燔焉

林文輅妻陳氏輅早喪撫教四子勤女紅奉養舅姑
每食必致佳味人稱賢孝

林元魁妻陳氏元魁見閭巷陳事舅姑孝謹御媵妾
有恩庶子五人視如已出有媵子母歿懷負抱之嗣
貧恤乏族黨稱賢

知縣左承芳妻陳氏倭賊陷城舅姑老病陳氏以身
先後卒全其命承芳見縉紳

陳鸞妻倪氏弘治戊辰縣人病疫繼姑歿諸婦慮傳
染母敢近倪親為殯斂坐尸傍二晝夜方昇入棺鄰



里嘆賢以子昂貴贈安人

徐傳妻鄭氏方于歸舅惟非禍鄭罄粧奩無難色舅

姑遺亡二小郎撫如自出季郎幼病痢調藥滌穢久

久不怠季納婦婦亦多病病以十年所鄭又撫之婦

臨歿泣謝曰妾夫婦受恩後生願効犬馬也

庠生左守貴妻彭氏事姑孝順萬曆三十八年姑病

篤割胸取肝以救之

右賢女

宋

進士何晉之妻陳宗

陳宗年二十適進士何晉之事姑孝謹甫再期晉之

卒有遺腹默禱曰天後何氏歿不悔矣後果得男撫

教之以文學名孫元兩請漕舉邑人張翰為書其事

於觀過錄

皇朝

林懋繼妻王氏

薛祥妻龔氏

詹文啟妻林氏

龔達妻薛氏

薛機妻龔氏

馬浩妻陳氏

馬磷妻劉氏

彭鏡妻陳氏

林麟妻黃氏

陳江妻林氏

同書

卷之三十五

四

郭光

陳高妻何氏

黃桂妻宋氏

宋府妻韓氏

庠生林文徵妻何氏

崔昊妻姚氏

左氏姑婦

湯寬妻鄭氏

黃叔恭姊姒

林元鼎繼室黃氏

韓志源繼室林氏

陳門二節

庠士龔佐妻左氏

吳澄妻鄭氏

漁人妻

彭祖振妻黃昭娘

庠士陳珪妻湯氏

陳大濩妻黃氏

陳樞妻鄭氏

周文晉妻林氏

庠士林示乾妻彭氏

林示約妻黃氏

崔允純妻林氏

庠士陳庚妻林氏

庠士林文珽繼室謝氏

嘉靖中被倭歿難者十七人 合傳

薛文茂妻何氏

林愨繼妻黃氏生四子而寡撫前人子若已出力貧

養姑內外稱賢年九十六子著孫文迪皆以科第顯

並見縉紳

薛祥妻龔氏年二十六祥當從戎囑以養老母撫幼

子期以五載當還既別二年沙寇鄒茂七反龔扶姑

携子避亂草莽間亂稍定祥計至悲慟幾絕事姑訓

子一如祥囑

詹文啟妻林氏年二十七夫亡二子俱幼夫弟文華

甫十歲林撫之為娶婦同居身率諸婦勤力女紅家

日以殷顧自絕滋味謝華飾止栢木為簪竹篋壓髮

而已年八十五卒

龔達妻薛氏

薛機妻龔氏年二十二夫亡二子俱幼伯氏利其貲

奪不從繼以撻辱龔撫棺而號徧告親鄰呼天誓死

卒不能強

馬浩妻陳氏

馬鏐妻劉氏

彭饒妻陳氏

林麟妻黃氏年二十五夫亡撫孤事舅姑孝謹後子

鉞官蕭山訓導

陳江妻林氏年二十二江歿三子俱幼力貧撫鞠長

子榮樂以孝聞鄉人稱其是母是子

陳高妻何氏

黃桂妻宋氏年二十五桂亡子四歲矢志不貳夫妹

適福安士人新寡無依亦來就宋姑嫂同處勤女事

以給衣食並以清節終

宋府妻韓氏

庠生林文徵妻何氏

崔吳妻姚氏年十七歸吳四年而寡止育一女屏居

閉影不足外氏

左洪妻陳氏年二十二洪歿一子甫二歲力貧撫養

子長復娶陳尋夫婦姑相依人稱雙節

湯寬妻鄭氏生子二歲而寡事姑孝謹剪髮繫臂誓

不易心

黃叔恭妻韓氏年二十五而寡有子七歲矢心不貳

叔恭弟叔和後其兄一年歿無子妻左氏依守志事

舅姑生養歿葬力貧不失人稱二貞

林元鼎繼室黃氏

韓志源繼室林氏夫亡子幼里有富人慕其美求為

側室林抱子大慟誓且詈或曰渠有子也側室人乎哉未

幾有求為妻者不從如初或曰渠有子也妻人乎哉

未幾子暴亡復有求聘者力斥之曰吾夫與吾子可

歿也而不可歿吾心

陳續妻林淑惠年二十續歿一女在襁誓歿守志伯

氏夫婦俱歿遺一男煥林撫育之長為娶於彭生一

子煥又歿彭林相依清節凜然彭事林孝謹年幾五

十先卒林又撫孫至長成壽終時稱一門二節

庠士龔佐妻左氏子邦卿甫五歲佐與父繼亡內外

無靠左舉三喪重遭回祿孤苦酸辛日夜紡績課邦

卿讀書仕為訓導其後遇倭變赴水死邦卿見

紳

吳澄妻鄭氏年二十一澄與弟覆舟俱溺澄將登岸

顧其弟在中流復回救之力竭而死鄭力貧撫孤持

志不二年七十餘

漁人妻從漁人徙福寧古縣漁人死無以斂哭三日

殯之海濱殯畢躍入海死

彭祖振妻黃昭娘年十七適祖振無內道昭娘謹事

姑無怨悔居八年祖振病侍疾周至終始不怠祖振

死撫猶子為嗣人間其猶處女也多來求聘誓死不

從知縣蔡稠以奇節表其堂

庠士陳珪妻湯氏年二十一珪死一子甫六月即脫

簪珥造墳穿壙其右以示同穴之志孝養舅姑教成

孤子以全節終

陳大濩妻黃氏服事舅姑克循內則祖姑年老温清

備至大濩死一子甫一月百苦撫孤雖貧窘未嘗見

顏色亦不請求外家女紅婦道一家取法

陳樞妻鄭氏夫卒遺二子携往父家勤苦撫育年七

十四終

周文曾妻林氏文曾出繼嗣叔父林年甫十九方懷
娠文曾歿兄弟共議出林而瓜分其業林號泣誓歿
既生男屏居一室雖至親罕見

庠士林示乾妻彭氏夫歿陷城家無為殯百計成禮
倭亂獨自扶姑山中姑病篤減壽額天舅病朝夕侍
養未嘗就寢有司以節孝扁堂

林示約妻黃氏示約被倭殺於銅鏡黃自奔收屍朝
夕哭奠踰禮舅姑父母憐其芳年無子諷之再醮不
從屏飾絕葷日閉門誦經未幾舅姑歿秉家肅然諸
郎敬事如父母

崔允純妻林氏年十九夫歿父母哀年少無子泣曰
有遺腹天必成婦志也後果育男堅守撫養嘉靖季
值變逃匿山鄉舅姑俱染病林日夜辛勤調護雖孝
子不能有加也壽卒

庠士陳庚妻林氏素閑內則所以佐庚學有樂年妻
之風庚天歿長子三歲次尚遺腹苦志居孀辛酉之
變提携孤幼艱危萬狀竟底有成

庠士林文珽繼室謝氏二十于歸甫二年珽病篤一
子胎髮未燥文珽謂曰能終事乎謝掩泣剪髮示珽

未幾倭賊充斥抱孤子奔竄凍饑荒山草莽中竟以撫孤而完節

嘉靖中與倭難者一十七人庠士林鴻漸妻崔氏倭

擄不從見殺身磔地已而屋燬屍焚天陰雨其形宛

然着碑 庠士林執中妻吳氏執中被擄吳以身衛

執中得脫吳斷兩截 庠士林邦京妻陳氏 崔允

約妻薛氏 崔文泰妻林氏 陳軫妻黃氏 徐元

呂妻龔氏俱被倭刃者 林文奎妻何氏 陳翰妻

林氏 曹逞妻謝氏 林若山妻周氏 林二陽妻

阮氏 林金妻何氏俱赴水者 庠士黃煜寡妻林

氏赴火死 林示續未婚妻陳淑慈 彭瀾未婚妻

陳愛婉 湯日進未婚妻陳繼靜俱自刃以殉

薛文茂妻何氏夫卒長子方在襁褓次子遺腹兄憐

年少諷之再適何曰兄善謀我而不善爲我謀姑與

孤奉姑育子永操炳然監司邑令俱獎異之

右貞女

福寧州 福寧衛

皇朝

千戶劉泉妻楊靜德 百戶陳鑛妻謝氏

舍人焦晟繼妻熊四妹 軍朱祚妻顧氏

閩書

卷之百四十五 閩閩

男

洪

舍人張鑿妻辛氏

後所千戶劉泉妻楊靜德泉卒楊年甫二十九三乳而生五子曰琇曰瑋曰璘曰璵俱在襁褓并曰紡績日夜親之撫教諸孤咸底于成年八十無疾卒百戶陳鑛妻謝氏

舍人焦晟繼妻熊四妹

後所軍朱祚妻顧氏嫁於祚家赤貧祚且歿曰我在也且饑歿今將何支少無子宜改醮顧泣矢靡他祚歿粥裙布以殯時為人紡績取傭資供饋奠有濟之者則疑汗已弗納念夫未葬未即死一日罄資金餽陶器之具葬祚木梳山欲雨其壙默沮於襄事者不得畢葬母強其歸不往絕粒七日而卒時嘉靖六年也

舍人張鑿妻辛氏

右貞女

何子曰郡邑志志閨閣取其貞與烈有貞以烈有貞以德予是以列賢貞二門

贊曰持貞作幹以順為正處為女師嫁為婦鏡

閩書卷之一百四十六

島夷志

琉球國在閩東北大海中曩時貢往來泉州後移福州冊封朝使自長樂梅花所開洋南風順利十八日可至操舟多用漳人以子午針量其水道古指南法也其國繇漢周以來不通中華隋時嘗遣兵俘其男女五千人入閩中竟不內附元遣使諭之不至我

明洪武初國三分中山山南山北鼎峙稱王各遣使朝貢十五年賜中山王察度山南王承宗鍍金銀印金幣使還言三王爭雄治兵相攻賜詔諭之并


諭山北王怕尼芝十六年賜山北王印及文綺王妃
 相國而下有差二十五年中山王遣子姓及陪臣子
 弟入太學肄業四上禮遇之賜閩人三十六姓
 習水善者與往來朝貢永樂二年察度卒詔封其世
 子武寧嗣王是年山南王承宗卒無子令其從弟汪
 應祖攝國事應祖來請命如山北王故事詔應祖嗣
 山南王賜冠服九年中山王思紹令坤宜堪弼貢馬
 及方物以其長史程復來見表言長史王茂輔導有
 年乞陞國相兼長史事又言復本中國饒州人輔臣
 祖察度多歷年所不懈于職今年八十有一乞令致
 仕還鄉井

上從之陞復琉球國相兼左長史

致仕還饒茂相國兼右長史宣德初思紹卒子巴志
 請嗣封三年遣內監柴山往自是以遣使冊封為故
 事正統八年巴志卒子忠嗣遣給事中陳傳往冊封
 十三年忠卒子思達嗣景泰元年中山王思達遣人
 朝貢三王嗣封皆請于

朝既而山南山北悉

為中山所兼遣使朝貢三年一至人來無過百五十
 著為令矣自察度後五傳乃至尚圓尚圓者尚德之
 仲子也長子宣威嗣位未幾卒不及封成化十五年
 圓卒子真嗣嘉靖四年真卒子清請封十二年遣給



事中陳侃行人高澄往以太牢祀真冊清嗣王并賜
王妃冠服錦幣使臣疏言弘治正德間修撰倫文叙
等使安南安南乞留告勅爲鎮國之寶倫爲奏請得
留卽琉球有請如安南海外遼遠不得卽請乞下禮
官議議從其請使至國奠冊如禮嗣王清稽首上告
天朝詔勅藏金匱八葉于茲矣請留使者許之比還
遣王親寧吉長史蔡瀚表謝侃澄使琉球錄言大明
一統志載琉球錄有落滌及王居壁下聚髑髏非實
事又杜氏通典集事測海羸虫錄星槎勝覽諸書所
記述皆傳者妄也嘉靖三十四年清卒子元嗣四十
年遣給事中郭汝霖行人李際春往隆慶五年元卒
子永嗣萬曆二年遣給事中蕭崇業行人謝杰往皆
禮如初然或以倭亂或以風期待渡于閩凡三閱歲
乃行使旋所錄極其往來險阻艱辛狀又其國貧無
以給使者廉從十九年復以嗣封請于時倭犯朝鮮
海氛不靖令其使者自齎詔冊歸使臣罷勿遣更十
餘年朝鮮師解復堅乞如故事 上嘉其爲不
叛之臣復許之三十二年命兵科給事中夏子陽
行人王一禎往始杰冊封琉球還言其國有日本館
羣聚數百人待封使之舟轉與市其人出入挾利刃

琉球心懾之及子陽還復言日本近千人露刃而市
琉球行且折於日本矣居一年其國王果爲日本所
執且欲代日本求貢於我中丞丁繼嗣直指陸夢祖
因具疏請緩外貢脩我內備許之琉球人深目多鬚
有職事者以金銀簪爲差等廁賤祇空髮束之士人
結髻於右漢裔結髻于中俱用色布纏首紫黃爲貴
紅綠次之以青爲下衣則寬博廣袖製如道士服腰
束大帶亦以色布稍貴者纏文錦價可三五金几屋
地多鋪板簞潔不容塵無貴賤皆着草履入室則脫
惟謁見使臣始具冠履殊苦束縛然頃年讀書號秀
才者亦戴中國方素巾足不草履而鞋矣婦人以墨
黥手外指爲花草鳥獸形首不簪珥顏無粉黛足與
男子同屨富室以蘇蓆藉屨底畧加皮緣上衣之外
更用幅如帷周蒙背上見人則升之以蔽面下裳褶
細而制長欲覆不令顯也名族大姓之妻出入戴
箬笠坐馬上女僕三四從之無羅紋布帽織鬪縷皮
毛衣螺貝之飾君臣上下各有節級王親雖尊不敢
與政理武職則法司官察度官以司刑名選闈官那
霸港官以司錢穀耳目官以司訪問文職則設大夫
長史都通事等官以專司朝貢之事王則并日視朝

自朝至日中晏凡三次羣臣以槎手膜拜為敬尊且親者延之殿內賜酒饌䟽則移時跪階下不輒起遇聖壽長至元旦日王統衆官肅冠服嵩呼祝慶儀同內地臣僚父子幼雖同寢長必異處食用匙筋削素木為之異味先進尊者子居親喪數月不肉食死者以中元前後日用溪水浴其屍去腐收骨纏布裹草襯土而殯上不起墳若王及陪臣之家則以骸匣藏山穴中截木板為牖戶歲時祭掃啓視地無貨殖商賈鮮通時時資潤于隣島之富者有盜竊輒加開腹剗荆之刑鹽舶漁艇制與中國小異陪臣入貢則乘巨艦航海而至縛竹為筏不駕舟楫俗敬神神以婦人不二夫者為尸降則數著靈異能使愚民竦懼王及世子陪臣莫不稽首下拜故國有不良神輒告王指其人擒之倭寇謀犯境神輒易水為鹽化米為沙尋即解去尸婦名女君首從動至二三百人各頂草圈携榭枝入王宮中王宮建於山顛國門榜曰歡會府門榜曰漏刻殿門榜曰奉神圍堞儼然石壁轟轟門前百武許砌石梯數重左下甃小池水自石龍口噴出榜曰瑞泉王則汲之殿宇渾素不雕鏤為奇巧山則南有太平出禾苧男女領耕織其中西有古采

出土絲又有馬齒地藪曠饒樵牧東北有硫黃葉壁
灰堆繇奴野刺普吉佳七島雜出紫菜魚螯海貝諸
物龜鼈等嶼彭湖等島蓋其大者樹有鳳尾蕉四時
不凋野鮮熊虎豺豹而獨出鹿且富牛馬羊豕雞形
多瘦削其價極廉家不畜犬愛養異色猫有奇蛇可
入藥鳥雀谷蔬菓品花木稍同中國獨不宜茶茗即
藝之亦不萌虫有壁間蝎虎聲大噪海錯如龍蝦螺
蟬則味加閩越矣賦法畧如井田王臣民各分土爲
食有事暫取諸民事竣即已婦人嚼米爲酒男子煮
海爲鹽燕會亦設中國金酒侑以歌曲陶冶如鉄耕
釜餽王王其市易有厲禁鬻皆自閩往非所有也地
產貝甚多顧獨用日本小錢如宋季鵝眼縵環每十
折一厥田沙礫瘠薄樹藝鹵莽日食飯僅一二碗地
卑濕氣候常溫隆冬沍寒亦有小雪陪臣子弟與凡
民之秀則請致士大夫教之以儲長史通事習華言
入貢餘不慧者宗倭僧學書畚字而已間有學詩僅
曉聲律偶對其地去彭湖不下數千里宋志云與泉
州煙火相望閩人嘗言霽旦登鼓山可望琉球皆非
也又有小琉球與閩海稍近未嘗朝貢或言并入琉
球饒甲矢人武健以金鼓爲節隣國目爲勅敵其國

西南則暹羅東北則日本聞東隅有人鳥語鬼形不相往來蓋毗舍那國云

貢物曰馬曰刀曰金銀酒海曰金銀粉匣曰瑪瑙曰象牙曰螺殼曰海巴曰擢子扇曰泥金扇曰生紅銅曰錫曰生熟夏布曰牛皮曰降香曰木香曰檀香曰速香曰丁香曰黃熟香曰蘇木曰烏木曰胡椒曰硫黃曰磨刀石以上象牙等物進收硫黃蘇木胡椒運送南京該庫馬就於福建發缺馬羸站走遞磨刀石發福建官庫收貯

淳泥國本閩婆屬在西南大海中統十四州洪武三年八月福建行省都事沈秩與監察御史張敬之等奉詔往諭其國十月繇泉南入海明年三月乙酉朔達閩婆又踰月始至國王馬合謨沙僻據海中倨傲無人臣禮秩令譯人通言曰 皇帝撫有四海

日月所照霜露所隊無不奉表稱臣勃尼彈丸之地欲抗天威耶王大悟舉手加額曰 皇帝為天

下主即吾君父安敢云抗秩即折之曰王既知君父之尊為臣子者柰何不敬亟撤王座更設香几寘詔其上命官屬列拜于庭秩奉詔立宣王俯伏聽成禮還明日王辭曰近日蘇祿起兵來侵子女玉帛盡為

所掠必俟三年後國事稍紓造舟入貢秩曰

皇帝登大寶有年矣四夷之國東則日本高麗南則交趾占城闍婆西則吐番北則蒙古諸部落使者接踵于道王即行已晚何謂三年王曰地瘠民貧愧無奇珍以獻故爾遲之非有他也秩曰

皇帝富

有四海豈有所求於王但欲王之稱藩一示無外爾王曰容與相臣圖之又明日其相王宗恕來曰使者言良是請以五月五日戒行闍婆有人間王曰蘇祿來攻王我實帥帥却之今聞歸誠中國無我闍婆矣王惑之秩復走見王王辭以疾秩大言謂宗恕曰爾

謂闍婆非中國臣耶闍婆尚稱臣於爾國乎何有使者朝還大兵旦夕至不悔噬臍耶宗恕悚然曰敬聞命乃入白王王大會其屬共議遣亦思麻逸等四人以金表報箋及方物入貢臨發贈秩金佩刀吉貝布秩峻辭之王顧近侍曰中國使者廉潔如是闍婆來人誅索每無厭况強之而不受邪爾曹宜効之秩以涉海萬里不可以無紀乃與敬之各賦一詩王大悅請書于版中懸之既與王別再行至海口王又惑左右言令人謂亦思麻逸曰使者不受刀布爾等必不還矣秩恐王不安復入王所反覆譬曉王曰使者言

如此中心釋然已舉酒為別酬地祝曰願使者蚤還
 中國願亦思麻逸蚤歸敝邦秋八月十五日還京師
 十六日以亦思麻逸等入見錫宴於會同館已而遣
 歸以金椅賜其王永樂三年遣使封其國王麻雅惹
 加那乃為淳泥國王六年王率妃子來朝遣使迎勞
 之福建至南京王表獻珍物妃箋獻中宮賜宴奉天
 門是年王卒于會同館諡恭順葬石子岡樹碑建祠
 祀之封其子遐旺嗣王護送歸國洪熙元年來朝貢
 後不可考閩三川壇有淳泥三川之神尚附祀典
 貢物曰五色鸚鵡曰倒挂鳥曰孔雀曰鶴頂曰犀

角曰熊皮曰生玳瑁曰龜筒曰寶石曰珍珠曰金
 戒指曰金繚環曰金銀八寶器曰梅花龍腦曰朱
 腦曰糖腦曰降香曰沈速香曰檀香曰丁香曰肉
 豆蔻曰黃蠟曰螺殼曰西洋白布曰黑小廝
 麻刺國在東南大海中永樂十八年國王幹刺義亦
 敦奔率妻子及陪臣來朝貢方物請給印誥仍其舊
 號行至福州卒詔諡康靖勅葬閩縣令有司歲致祭
 陪臣子孫皆與廩食于官嘉靖中有葛良貴者為候
 官諸生同時陪臣子孫多不延所食于官惟葛及一
 二姓云

日本古倭國在東海中縮波而宅自玄菟樂浪底於徐聞東莞所通中國處無慮萬餘里其地東高西下勢若蜻蜓古亦曰蜻蜓國也國君居山城以王爲姓以尊爲號徐福齎五百童男女入海爲秦始皇求仙無所得懼不敢歸避居焉今其裔也所統五州七道三島爲郡五百有奇皆依水嶼大者不過中國一村落而已戶可七萬餘課丁八十八萬三千有奇而攝摩伊勢若佐博多其民相矜以賈積貲或百萬和泉一州鼎食擊鐘謔俗有中國之風也薩摩之鸚哥里其民備禮重爲和獨伊紀之頭陀僧三千八百房頗羯羴耆殺而薩摩肥後長門三州之人最喜入寇諸州郡統於山口豐後出雲三軍門三軍門相掬剽國分爲三而總屬山城君以後豐後獨強國人服之愈於山城其朝貢始末具載前史元時世祖遣黑的趙良弼等諭之不至使將將十萬兵往往征風覆其舟於蛇海終元世不相通也

高帝即位方國瓌張

士誠既誅服諸豪亡命往往糾島夷入寇山東芴海諸郡

帝以即位之二年使行人楊載諭其國王良懷賜之璽書曰上帝好生而惡不仁我中國自趙宋失馭北夷據之凡百有心莫不興憤辛卯以來

中原擾擾爾時來寇山東乘胡衰耳朕本中國舊家
 恥前王之辱師旅掃蕩垂二十年遂膺正統間者山
 東來奏倭兵數寇海邊生離人妻子損害物命故脩
 書特報兼諭越海之繇詔書到日臣則奉表來庭不
 則修兵自固如必為寇朕當命舟師揚航捕絕島徒
 直抵王都生縛而歸用代天道以伐不仁惟王圖之
 良懷得之不至復寇山東轉掠溫台明州傍海民遂
 寇福建沿海郡
 上復使萊州同知趙秩責讓

之良懷遣其臣僧祖來隨秩奉表稱臣
 上賜

文綺帛若僧衣遣僧仲猷克勤等八人護送還國賜

良懷明曆雜繒是為洪武四年然其人時時剽掠海
 濱不絕官軍乏舟不能追擊五年命淞江福建瀕海
 諸衛造海艘德慶侯廖永忠請增造多槽快舡來則
 大船蕩之快舡逐之
 上曰善居久之丞相胡

惟庸得罪懼誅欲借倭人為不軌推庸已敗又久之
 事覺
 上追怒於是名日本曰倭下詔切責其

君臣暴其過惡天下著祖訓絕之而命信國公和江
 夏侯德興經畧海上郡
 成祖即位國王名道

義者獲擾邊魁醜以獻蒸之海上
 上嘉之四

年以俞士吉為都御史齎賜之龜鈕金印誥命封為

日本國王名其國之山曰壽安鎮國金日親製
文勒碑其上遂給勘合百道令十年一貢貢道繇寧
波船無過二隻人無過二百然倭狡易叛亦復時時
寇畧東北邊顧其時我方招徠海外諸夷頗得賚給
互市倭國入貢亦時踰額宣德初復增例船三隻人
三百是倭往往載方物戎噐行海上爲詐欺得間則
張其戎噐不得則陳其方物無所不得利至其小小
抄盜或不絕其王良不知也要以利給賚互市其貢
常先期至至正統中乃入桃渚犯大嵩海濱人絕苦
於是朝廷命重帥恒鎮要地以備之按堵者且十餘
年成化二年復詐來稱貢遂破大嵩諸處十一年復
使貢及歸閩帥用金鼓送之出海隨以砲銳擊其舟
多沉者正德中鄞人朱縞變姓名爲宋素卿亡入其
國國王源義澄悅之遣入貢素卿與其故族人耳目
爲奸利厚賂關瑾得賜飛魚服以歸嘉靖二年其西
海道大內誼興國遣僧宗設入貢居數日素卿復爲
南海道海川高國所遣與僧瑞佐以來皆止寧波江
下故事番使止寧波有宴先至者居上素卿賄市舶
太監義先閱貢宴之坐上坐宗設衆不平攻瑞佐殺
之追逐素卿抵紹興城下素卿竄入慈谿縱火大掠

指揮劉錦與戰歿遂蹂躪寧紹間九年國王源義晴復附琉球使來言爲素卿乞宥罪并請復脩貢獻是時夏言爲兵科給事中言夷人仇殺之禍皆起市舶禮部請罷之而日本貢使絕矣十八年復以脩貢請許之期以十年人無過百船無過三然諸夷嗜中國貨物至者率遷延不去貢若人數又恒不如約是時市舶旣罷貨主商家商率爲奸利虛值轉鬻負其責不啻千萬索急則投貴官家夷人候久不得頗構難有所殺傷貴官家輒出危言撼當事者兵之使去而先陰泄之以爲德如是者久夷人大恨言挾國王贊而來不得直曷歸報因盤據島中並海不逞之民若生計困迫者糾引而歸之時時寇沿海諸郡矣朝議置大臣兼巡瀾福海道詔以巡撫南贛汀漳都御史朱統爲之是爲二十五年統至則嚴勾連王藏禁犯者戮無少假上章鐫暴二三貴官家浙人口語藉藉罪及建議主議之臣而歛人王直者少任俠多畧一時惡少若葉宗滿徐惟學陳東王汝賢王激等樂與游而激爲直義子直姦出禁物歷市西洋諸國致富不貲夷人信服之貨至一王直爲僮統禁旣嚴諸奸商藉是益負倭競責直直無所出招亡命千人逃入

海推許二者爲帥引倭結巢霸衢之雙嶼港閩浙蠶起之徒益附之浸淫蠶食海上聚保矣統居浙二年盛集舟師雙嶼挑之不出會夜風雨將逸去統火攻之多所斬捕更令福建都指揮盧鏜擣之俘斬溺歿者數百人餘黨遁入福建之浯嶼統帥鏜勦平之躬督兵衆填塞港口令不得復入當鏜破雙嶼時許二逸不得王直收合其餘衆更泊他嶼而廣東有海賊陳四盼者自爲一黨直計殺之扣關獻捷以求關市官司弗許賜米百石而已直大詬投米海中益入盜此時有滿刺加夷者故商漳州之月港漳民畏統厲禁不敢與通捕逐之夷人憤起格鬪漳人擒焉統語鏜及海道副使柯高無論夷首從若我民悉殺之殲其九十六人謬言於朝佛郎機夷行劫至漳界官軍追擊于走馬溪上擒得者統以厲禁爲浙中二三貴官家所不樂先是言官業請改巡撫爲巡視以輕統權以消浙人舐望之意至是御史九德劾統專擅濫殺詔罷統下鏜喬吏遣都給事汝楨卽訊訊報則滿刺加夷來市非佛郎機行劫者專擅濫殺誠如御史言詔鏜喬論歿繫獄逮統至京師訊之統驚仰藥自盡從此當事者以統爲戒三十一年 朝廷以王

國書

卷之百五十一、島夷

五

毛鳳

忬提督軍務巡視福浙許便宜從事以愈大猷湯克
 寬為分守叅將其明年春破其寇溫倭閏三月大猷
 入烈港火賊營王直突圍去更集餘黨掠嘉定劉家
 河揚帆西六合知縣董邦政追及於吳淞直值採陶
 港賊與合遂復大糾入寇羽書狎至浙東西及蘇松
 淮北諸郡直更造巨船連舫柵木為樓櫓入倭據薩
 摩洲之松浦津偽稱徽王部署宗滿惟學東為將領
 汝賢激為腹心而三十六之夷皆其指使矣倭賊勇
 而韻每戰赤體舞刀前不復別生歿大率狡悍善設
 伏能以寡擊衆而內地久寧日不見寇遇輒靡潰沿
 海諸郡僅僅保孤城賊往來聚散如入無人之境是
 年陷福建之秦嶼所矣此時忬請添設海防副總兵
 總督金山等處以克寬為之出盧鏜為福建備倭都
 指揮詔如忬言復改忬為巡撫其明年正月倭攻嘉
 定圍上海陷嘉善犯海寧大掠蘇州轉掠崇德

上命南京兵部尚書張經不妨原務兼右副都御
 史總督南直隸浙江山東兩廣福建等處會大同患
 虜 上復用忬大同而以李天寵代是時倭大
 擾江南而經故總督兩廣有歲為諸蠻夷所信服奏
 調田東蘭諸州狼土兵及承順保靖二土司兵備前

行所調兵未至經持重未即戰而 朝廷遣工部侍郎趙文華出視師劾經養寇玩賊逮於西市是為嘉靖三十四年先是徐惟學者貨夷人金以其姪子海為質惟學歿夷求海金令取償於寇掠海乃偕辛五郎聚舟結黨入南畿浙西諸路是時應天巡撫都御史為南京戶部右侍郎楊宜而天寵以怠廢黜代之者胡宗憲也此時倭大猖獗江以南其冬復有一百餘人犯福建莆田縣鎮海鎮東等衛泉州指揮童乾震所與戰歿於海口者也蓋閩中犯倭自此始先是賊未寇輒謬詭曰某島某倭東南人久知王直叛而不知寇來皆直所坐遣是歲 朝廷立賞格有擒斬王直者封伯爵賞萬金於是遣生員蔣洲陳可願克市舶提舉入海說王直而是時徐海已擁薩摩洲夷入寇浙中戰敗於崇德宗憲復使人賄誘之海念欲歸恐諸酋疑怨宗憲使擇便地自營竟行間賊黨中復殺海其年獻俘京師此時文華復以總督尚書視師至 上則加文華少保宗憲以兵部右侍郎兼僉都御史 上則擢宗憲右都御史兼兵部右侍郎云又一年宗憲計誘王直擒之上加宗憲太子太保云直雖已擒然其餘黨毛烈知

周書 卷之三十四 島夷 七 黃順

無所歸尚據舟山阻岑港巢柯梅連犯吳越首尾巢
 閩中七八歲聞所破城城十餘掠子女財物不可勝
 計官吏軍民戰及俘處不下數十萬轉漕軍食橫賞
 賜乾沒入橐中者費以鉅萬而東南膏髓竭矣是冬
 則又犯福州洪塘南臺等處巡撫都御史阮鶚坐逮
 繫罷為民三十七年四月辛巳倭大至犯瀾江台溫
 福建興泉等府丙申陷福清殺縣令劫庫獄擄男婦
 千餘攻惠安殺知縣林成五月戊申入南安甲戌倭
 自福清海口出港參將尹鳳等擊之斬獲溺歿者甚
 衆十一月烈日柯梅駕舟出海泊福建浯嶼復移衆

南澳山造屋以居福興潮廣間紛紛以倭警聞矣三
 十八年又大至福建攻福寧州不克攻福安寧德破
 之福興泉漳無地非倭矣二十九年破永定城又破
 寧德縣殺參將王慶麒知縣李堯卿興泉漳三郡城
 以外皆為賊藪貧民無賴者竄入賊中為之謀主羽
 翼掠行人發墳塚量其家貲索贖諸將帥冒功飾敗
 賊滿載歸者指為逐遁阻風旋者指為遮擊上下相
 蒙遂成故事先後巡撫王詢以避難引疾去而劉燾
 貪縱欺誕厚賄分宜相言官交章論詆猶得以風土
 不便調外矣是年胡宗憲檄浙江參將戚繼光來援

繼光故訓練義烏兵有勇可使則率之來時倭據寧德之橫嶼沮水爲營官軍坐守踰年繼光令軍人持東草填河進力戰大破之生擒九百斬首二千六百餘焚溺死者無筭奪所擄三千七百餘人乘明剿福清牛田倭又大破之夜廻入興化連破其六十餘營而繼光復歸于浙四十一年八月新倭大至犯福清羅源連江等縣殺遊擊將軍倪祿十一月攻興化府陷之殺一同知奚世亮據城中者三月分衆攻陷壽寧政和其明年巡撫都御史游震得具陳失事狀

上從部議起丁憂叅政譚綸統浙兵三千人往以副總兵戚繼光統義烏兵一枝而江西兵一枝則令撫臣自擇良將星馳應援震得尋被論罷陞綸爲僉都御史代之二月興化倭結巢崎頭都指揮歐陽深率兵追剿陷伏中歿之賊乘勝陷平海衛引舟出海把總許朝光率輕舟抄之賊焚舟還屯平海衛四月繼光與總兵劉顯僉大猷夾攻大破之斬首二千二百餘級墮崖溺歿水者無筭縱所掠男婦二千餘人是戰也賊與顯及大猷對壘日久頗懈謂繼光遠來疲乏未能軍而繼光兵至如風火擒殺無遺興化人德繼光如親父兄興化圍解繼光分前將趨福州

合擊長樂寇破之倭屯海上者盡遁殘寇五百繇北
 嶺窺莆城千總胡世驅之多赴海歿四十三年繼光
 復擊仙遊殘倭破之賊趨同安繼光追至王滄汙又
 追及於漳浦之蔡丕嶺斬首千餘級其殘寇得脫者
 流入廣東令兩廣南贛徵調土兵大集急擊之賊掠
 漁舟入海遇風多覆溺乃復登岸屯海豐金錫都總
 兵俞大猷率兵圍之相守且二月賊食盡將遁報劾
 副總兵湯克寬設伏待之擒斬二千餘人自是倭寇
 絕自東南中倭以來十餘年間生靈之塗炭已極倭
 亦大傷至盡島不返隆慶時海上逋寇曾一本等復

稍稍勾引入犯閩粵我亦嚴為備旋至旋撲非如嘉
 靖之季矣萬曆中一使中貴人推升稅中貢按求百
 出海禁懈弛市舶縱橫逐臭之夫且爭趨為樂土又
 有亡賴如中行說者陰為之畫東踐朝鮮之郊南設
 琉球之版雌伏梟張漸窺堂奧夫志止於剽掠則癘
 疥之憂志不止於剽掠則膏肓之患矣

貢物曰馬曰盛曰鎧曰劔曰腰刀曰鎗曰塗金裝
 綵屏風曰灑金厨子曰灑金文臺曰灑金手箱曰
 描金粉匣曰描金筆匣曰抹金銅提鈹曰灑金木
 鈹角盃曰貼金扇曰瑪瑙曰水晶數珠曰硫黃曰

蘇木曰牛皮

呂宋在海中國甚小顧產黃金以故富厚永樂三年朝貢以後罕通嘉靖季國人來閩清夾攻海賊林鳳萬曆二十年其主爲漳人所殺衆來告訴所挾珍奇衣物甚夥至三十六年盡殺我人之貨其國者閩廣二省不敢以聞於朝語在版籍志

東番夷人不知所自始居澎湖外洋海島中起魍港加考灣歷大員堯港打狗嶼小淡水雙溪口加哩林沙巴里大幫坑皆其居也斷續凡千餘里種類甚蕃別爲社社或千人或五六百無酋長子女多者衆雄之聽其號令性好勇喜鬪無事晝夜習走足躡皮厚數分履棘刺如平地速不後奔馬能終日不息縱之度可數百里隣社有隙則興兵期而後戰疾力相殺傷次日卽解怨往來如初不相讐所斬首剔肉存骨懸之門其門懸骷髏多者稱壯士地暖冬夏不衣婦女結草裙微蔽下體而已無揖讓拜跪禮無曆日文字計月圓爲一月十月爲一年久則忘之故率不紀歲艾耆老耄問之弗知也交易結繩以識無水田治畚種禾山花開則耕禾熟拔其穗粒米比中華稍長且其香採苦草雜米釀間有佳者豪飲能一斗時燕

會則置大壘團坐各酌以竹筒不設肴樂起跳舞口亦鳴鳴若歌曲男子剪髮留數寸披垂女子則否男子穿耳女子年十五六斷去唇兩傍二齒以爲飾也地多竹大數拱長十丈伐竹構屋茨以茅廣長數雉族又共屋一區稍大曰公解少壯未娶者曹居之議事必於公解調祭易也娶則視女子可室者遣人遺瑪瑙珠雙女子不受則已受夜造其家不呼門彈口琴挑之口琴薄鐵所製齧而鼓之錚錚有聲女聞納宿未明徑去不見女父母自是宵來晨去必以星累歲月不改迨產子女婦始往婿家迎婿如親迎婿始見女父母遂家其家養女父母終身其本父母不得子也故生女喜倍男爲女可繼嗣男不足著代也妻喪復娶夫喪號爲鬼殘終莫之醮家有死者擊鼓哭置尸於地環煇以烈火乾露置屋內不棺屋壞重建坎屋基下立而埋之不封屋又覆其上屋不建尸不埋然竹楹茅茨多可十餘稔故終歸之士不祭當其耕時不言不殺男婦雜作山野默如也道路以目少者背立長者過不問答卽華人侮之不怒禾熟復初謂不如是將不年也女子健作女常勞男常逸有盜賊嚴剔之戮於社故夜門不閉禾積場無敢竊有床

無几案席地坐穀有大小豆有胡麻又有薏仁無麥
蔬有葱有薑有番薯有蹲鴟無他菜菓有柳有毛柿
有佛手柑有茸椴畜有貓有狗有豕有雞無馬驢牛
羊鴉鴨獸有虎有熊有豹有鹿鳥有雉有鴉有鳩有
雀山最宜鹿千百爲羣人精用鏢鏢竹插鐵鏃長五
尺有咫銛甚出入携自隨試鹿鹿斃試虎虎斃居常
禁不許私捕鹿冬鹿羣出則約百十人即之窮追既
及合圍裹之鏢發命中獲若丘陵取其餘肉雜而腊
之鹿舌鹿鞭鹿筋亦腊鹿皮角委積克棟鹿子善擾
馴之與人相狎習鹿腸中新咽草將糞未糞者剖而
食之名百草膏食豕不食雞畜雞惟拔其尾飾旗射
雉亦但拔其尾見華人食雞雉輒嘔居島中不能舟
酷畏海捕魚則於溪澗故老必不與他夷相往來永
樂初鄭和航海諭諸夷東番獨遠竄不聽約於是家
貽一銅鈴使頸之蓋徇之也至今猶傳爲寶始皆聚
居濱海嘉靖末遭倭焚掠乃避居山後始通中國今則日盛漳泉
番獨持鏢故弗格居山後始通中國今則日盛漳泉
之民克龍烈嶼諸湧往往譯其語與貿易以瑪瑙甕
器布鹽銅簪環之類易其鹿脯皮角間遺之故衣喜
藏之或見華人一看旋復脫去得布亦藏之不冠不

履裸以出入自以爲易簡云連江陳第曰異哉東番
從烈嶼諸灣乘北風航海一晝夜至澎湖又一晝夜
至加老灣近矣乃有不日不月不官不長裸體結繩
之民不亦異乎且其在海而不漁雜居而不鬻男女
易位居瘞共處窮年捕鹿鹿亦不竭合其諸島庶幾
中國一縣相生相養至今曆日書契無而不闕抑何
異也南倭北虜皆有文字類鳥跡古篆意其初有達
人制之耶而此獨無飽食嬉遊于于衍衍其無懷葛
天之民乎自通中國頗有悅好好人又以濫惡之物
欺之彼亦漸悟恐淳朴日散矣萬曆壬寅冬倭復據
其島夷及商漁交病浯嶼沈將軍有容往勦余適有
觀海之興與俱倭破收泊大員夷目大彌勒輩率數
十人叩謁獻鹿醜酒余雜覩其人與事故掇其大畧
云

何子曰宋置市舶於泉州以通諸番舊志所載有占
城賓達儂三佛齊渤泥真臘登流眉大食日本注輦
靈牙蘇嘉麻逸三嶼白蒲延日囉亭真里富三泊單
馬令闍婆羅斛雪峯俱輪須華公琶離佛囉安達囉
希吉蘭丹西棚波斯蘭高麗諸國元三山吳鑿爲泉
守僕玉立脩清源續志余於友人家僅得其一本日

島夷志志所載凡百國皆通閩中者其載三島國有
云國男子嘗經紀泉州罄其資囊以文其身既歸國
國人以其至唐國貴之待以尊長之禮延之座雖父
老不得爭焉有土塔國國中有土磚甃塔其高數丈
刻漢文云咸淳三年八月畢工蓋我人爲之書有古
里地悶國其國淫濫兼婦不恥至者多染疾歿泉州
吳宅有百餘人貿易其間既畢歿者十八九間存一
二類羸弱乏力隨風回舶安瀾之夜則狂鬼游蕩唱
歌搖櫓夜半或時添炬燁燿使人魄遊而膽寒而其
他則載其風俗土物夫是百國者蓋皆大西洋之國

寛政戊午

